

T3133/3314.8K(4)

永平府志

卷之八
卷之九
卷之十

古蹟
漫訪

丘墓
雜錄

寺觀

百世

永平府志卷之八

萊陽宋

琬撰次

府學訓導徐

香叅訂

蕭山張朝琮續纂

盧龍教諭胡仁濟校輯

漕運

永平之漕運有四利荆川唐公之疏詳哉言之矣昔
 潁國鎮永平月餘首建通漕之策曠代不修其後稍
 一行之而遂享其利今仍置之不講使百世之規竟
 淪于廢良可歎息昔郭建初志漕旁及薊州天津往
 來貫穿首尾具備乃今自天啓以來之事當日檄行



郡邑已稱文卷不存無憑稽考以故一方大事而載于篇者僅寥寥數語豈非古今人之不相及而留意斯民者之鮮乎又何怪夫慮始之難圖而長利之不建也嗚呼豈獨西門豹哉

魏太祖征蹋頓從洶口鑿渠逕雍奴泉州以通河海

此京東通

始運之

趙石虎代燕具船萬艘自河通海運穀千一百萬斛于樂

安城

即今樂亭縣

唐神龍二年姜師度爲河北道巡察兼支度營田使好興

作溝洫之利于薊門北漲溝以限契丹循魏武故迹並海鑿平鹵渠以通餉路避海難民咸利之此鑿渠罷海運之徵也然魏武故迹水經新河故瀆謂之鹽開口與洶俱導以通河海者東北絕庾水今稱還鄉河又東北出逕右北平絕洶渠水今薊州運河也然師度所修者洶而不及庾及新故久廢無存矣

開元二十五年二月戊午停河北運而海運尋興

二十七年六月癸酉以御史大夫李適之兼幽州長史知節度使事尋增領河北海運使

二十八年分盧龍石城二縣地置馬城縣通水運幽州刺史領之

遼太平九年三月戶部副使王嘉請造船募習海漕者移遼東粟餉燕水路艱多致覆沒民甚苦之

元會通河初開岸狹水淺不能負重歲不過數十萬石故終元之世海運不罷焉其並海通河者自三岔河有三道一由直沽經白河至通州一由娘娘宮經糧河至薊州一由蘆臺經黑洋河蠶沙口青河至灤州薊載于唐書通昉于金史元河渠乃及灤是灤之漕岔河東道若善導之自

遼西右北平無不可通者考宣寧志有奉聖劉雄任灤潮二河運糧萬戶潮且運矣况于灤乎但漕上都則難中統間因陸運之費乃從姚演言勢不可遂止而併可漕者廢之但資造船之役焉

至元十七年正月戊辰賜開灤河五衛軍鈔

十九年四月壬寅勅灤河造官車給糧費五月庚辰造船于灤州發軍民合九千人令探馬赤伯帶領之伐木於山及取于寺觀墳墓官酌其直仍命桑哥遣人督之九月壬申勅平灤高麗號羅及揚泉等州造大小船二十艘

初造車以

陸運尋造船
以備漕也

二十年正月庚午以平灤造船去運木所遠民疲于役徙于撫寧之陽河從之三月己未御史臺臣言平灤造船五臺山造寺伐木及南城建新寺凡役四萬人乞罷之詔伐木建寺即罷造船一事其與省臣議五月己未放造船軍歸農撥大都軍代役

二十一年十一月戊子命北京宣慰司修灤河道為將漕也

二十八年正月癸卯上都民仰食于官者衆詔傭民運米十萬石致上都官價石四十兩命留守木八刺沙總其事

九月姚頌言奉勅疏灤河漕運上都取沿河葢露困工匠雜物仍預來歲漕船五百艘水手一萬牽夫二萬四千省臣等集議近歲荒歉凋弊造舟調夫並行必因請先造十艘量撥水手試之果便續增制可先以五十艘行之仍選能人同事將挽舟踰山而上至開平郭守敬視之不可乃止

大德七年五月甲寅濬上都之灤河史灤河源出金蓮川中由松亭北經遷安

東平州西瀕灤州入海此所濬者其上流也

延祐五年四月庚戌遼陽饑漕十萬石于義錦州賑之

明洪武二年正月甲午令中書省符下山東行省募水工于萊州洋海倉運糧以餉永平衛

八年五月己巳遣潁川侯傅友德往北平備胡䟽陳五事一轉輸之法宜令河間軍自長蘆運至通州北平軍自通州運入北平則民不勞而事集矣又永平府民接運軍儲由鴉洪橋至永平道里頗遠宜通青河灤河故道漕運則用力少而成功多矣上嘉其言尋召還

永樂二年令海運船裝運于小直沽起蘆園三年令天津

造露岡

舊志新橋海口設永平衛千戶一員軍丁十名監守開猪士城周二三里露岡百三十座或是年以後

而舉矣

十三年爲會通河成又造淺船三千餘隻一年四次從裏河轉漕遂罷海運獨薊州軍餉遮洋海運如初

宣德三年令行在戶部差官以九月終發永平府屬縣民

及東勝諸衛軍兼運林南東店糧于遵化城南供給官軍

灤舊志永樂十八年偶因傷船革運又云宣德初者觀此言宣德有因矣

正統七年令南京造遮洋船三百五十隻給官軍由海道運糧薊州等倉

十三年遮洋船運糧由直沽以東三汊河過赴林南東店

等倉交納

天順二年三月以海口新開沽與近州之奪水沽正相值中間隔陸地十里遂命鑿通凡役萬人十三日功成

成化十七年管糧郎中鄭廉奏言豐潤還鄉河可通漕永

平東盈倉可移置而海運之粟可分貯以便永平山海之

餉上可之賜名豐盈倉

由庾水還鄉河東導陡河抵沙河通陷河而及青灤庾小非灤所通

沙河淤濫是以隨行隨止不一二年壅塞如故

弘治初議發軍夫萬人鑿河四十里以免海運每三年一

挑濬

會計錄自小直沽口至薊州四十里避直沽渡海之險云在天順二年

嘉靖初定額夫八千名二年一次令工部官一員會同巡

按御史及天津兵備督工挑濬

三十七年巡視郎中唐順之條陳薊鎮事宜一欵臣至薊

鎮始知聖明念遼人之饑弛海禁運米賑之恩德甚厚遼

東海運既通則薊鎮已包在內永平故運之復定惟其時

但薊鎮之人素不習海一遇蹉跌遂爲懲創請以厚直募

東南海濱之人與直沽久慣海商造爲海船人慣船牢白

然利涉又薊鎮東西無處不有巨川上通關塞下流通海

而未嘗有一葉之舟問之士人則曰淺灘峻石怒水暴漲

蓋臣嘗在閩浙見閩浙人行舟石罅中屈曲無礙或拖舟碎石之上亦不畏淺也至于水之漲緩有時水漲停運水緩通漕亦何不可前人未暇經理者特以地在窮荒不欲費財力于無用非果不可行之故也今密雲古北喜峯諸口皆屯重兵則聚糧不得不多聚糧多則咽喉不得不利河道之通亦惟其時縱不能通潮河于古北通灤河于喜峯而潮河可通密雲省陸運五十里則先時總制楊博疏稿具存經理亦密灤河自永平可通灤陽營省陸運一百五十里則戶部郎中羅廷紳嘗爲臣言之且水運一步亦

省陸運一步脚價卽以異日脚價所省扣爲今日疏鑿之費募閩浙之人造閩浙之船以教其土人河功一成蓋有四利邊城積粟豐凶有備士嬉馬騰此一利也官漕旣通商舟亦集昔時荒野遂成賈區此二利也穿渠溉田磽瘠之地淤爲沃壤此三利也渠滄蒲野因成水匱制限胡騎不得突越此四利也不然則鄴水在旁而不引此西門豹之所以爲笑于史起也是後巡撫溫景葵巡按孫丕揚梅惟和各疏請之

隆慶元年巡撫耿隨卿議獲據知府楊逢節勘覆行永平

永平府志 卷之八
兵備副使沈應乾會勘間巡按御史鮑承蔭巡歷永平將
灤河徑通海道併勘會巡關御史吳逢春議燕河營石門
寨二路主客官軍及各將領標兵家丁計三萬餘每歲本
折色各半年淨米幾二十萬除民運二分其餘俱屬州縣
召商買納而府境邊山邊海鹹薄荒沙若遇歲凶赤地千
里則通漕爲未然之防不可不爲之所也原議挑挖青河
自王家閘至新橋海口止凡百四十里乃漕運故道續據
通判蕭以成勘稱由府城西門起計灤河海口至天津衛
四百二十六里紀各莊通海潮處至府西門一百五十四

里沙淺一十八里半合將原編修河人夫免赴新河但遇
運船到海口輪班剝船扒漕若一年通運後夫數有餘量
爲減省蓋不費錢糧不假軍夫而事可濟也原議再委州
縣正官駕舟試驗海道果否往來無阻府委樂亭縣知縣
宋國祚勘海道自天津衛至樂亭縣新橋海口不但鹽船
往來而民船亦通行無滯海洋百二十里雖恐中流遇風
有建河糧河新挑大沽小沽可避必無虞也原議運河故
道地勢低窪宜用閘壩今改由灤河直抵海口一應閘壩
官吏不必增添但糧船至海口須易輕便船隻仍於紀各

永平府志 卷之八
莊建倉房二十間暫卸糧石永豐倉應添修倉廩二十間
官撥斗級原有額設無容別議惟紀各莊暫貯倉房行縣
委官看守海運船約造十五隻河口撥船約造六十隻倉
船通該物料工食銀四千四百五十兩合于巡按贓罰銀
四千兩扣留如不敷將巡開贓罰補奏其船撐駕必須灤
州樂亭昌黎附海捕魚裝載慣習海道人民酌量人丁身
家坐派大船八名小船三名各領官船糧令其駕運糧完
聽其捕魚如年久損壞動支官銀酌量修補則改灤河省
便無容別議但中間倒載之所未免間隔如海口卸至紀

各莊約有二里灤河卸至永豐倉里亦如之船運腳價臨
朔聽管糧郎中處給其該鎮歲用本色軍糧數多運道既
通則前項糧石應該戶部酌派漕運然山海離灤僅二百
里私越易便則海防不可不謹合令府清軍同知兼管海
防仍聽兵備道督率巡視及山海主事督巡捕把截違禁
如律部覆從之御史劉翹題海道險阻而罷

萬曆二年二月守備李惟學勘稱漕道前歲雖議復開不

請水勢輒就灤河末流通海是非知運言也今勘灤河西

岸王家閘

大水劈心灘至分出支河三百八十四步計地
凡八分支河西岸王家閘至蔡家營九百七十

步凡二里七分 蔡家營至許家墳一千三百步凡三里七分 許家墳至南關八百三十步凡三里 以上共計十二里六分皆先年運糧故道雖年久淤平白地河迹見存挑濬不可徑投灤河須隔灤河西岸在南順崖船行至北復南度無衝徑之虞 崔家莊至龍堂橋一千四百步凡三里九分流水半尺溝河 龍堂橋至暖泉八百步凡二里三分濶一丈或五尺水深一尺 暖泉至破橋王家莊二千二百步凡六里一分濶二丈深一尺 王家莊至李家橋獅子營二千三百步凡六里四分濶三丈五尺深三尺 獅子營至套里莊高廟橋二千步凡五里五分濶二丈五尺深三尺 套里莊橋至沙溝店一千六百六十步凡四里一分濶二丈五尺深三尺 沙溝店至宋家莊橋一千四百七十五步凡四里一分濶二丈五尺深三尺 宋家莊橋至程地莊一千一百八十步凡三里三分濶二丈五尺深三尺 程地莊由青河費家橋土兒莊一千二百二十步凡三里四分濶二丈深三尺 土兒莊由武家營羅各莊至廣東營一千八百二十步凡五里零半分濶三丈深三尺 廣東營由北高東高南高等莊至高各

等莊二千八百八十一步凡八里濶三丈深三尺 高各莊由焦家莊高各橋至潘家莊三千四百步凡九里四分濶二丈深二尺 潘家莊至麻灣里一千九百五十五步凡五里四分濶三丈深三尺 麻灣里至公安橋一千九百五十五步凡五里四分濶二丈深三尺 公安橋至韓家道口九百三十步凡二里六分濶三丈深二尺 韓家道口至莊地營一千四百八十步凡四里濶三丈深三四尺不等 莊地營由白家營至廖指莊三千四百步凡九里四分濶三丈深三尺 廖指莊由杜家務至劉石莊一千九百步凡五里三分濶三丈深三尺內一段三角灣長三十步深丈餘 劉石莊至閣兒坨橋一千六百步凡四里四分濶四丈深三尺 閣兒坨橋至陳家莊小河岸八百七十九步凡二里四分濶四丈深二尺 陳家莊至鄭家莊橋一百一十里程家莊以下暖泉雖有水溝細流不絕而不能取河仍用挑挖乃可自暖泉以下大洋數處番湧成河尚大自破橋迤南水勢漸大十里許與沂河合流為清河廣至鄭家橋皆河道不絕平坦實土無沙石崗阜相隔

為銅幫鐵底但河身稍窄畧加開濶為易 鄭家莊橋
 東新莊入百步凡二里二分濶八丈深三尺 東新莊
 至石角坨橋一千三百步凡三里六分濶八丈深四尺
 石角坨橋至馬營巡檢司八百步凡三里二分濶八丈深
 五尺 巡檢司由新橋觀音寺套里莊至下馬坨四里
 下馬坨由灣坨至楊家廟三里 楊家廟由烟墩至海十
 里 以上鄭家橋至海口共地二十五里俱通潮水深濶
 俱六七尺不必挑濬惟海口漫散畧加扒挖舟楫無阻
 自王家開至海口通百四十五里其河岸或高低三五尺
 不等無岸間亦有之由海而直抵天津矣時不果行知府
 孫維城復議海運故道直捷而所經蠶沙綠洋各口蠟房
 山十九坨險島有風濤之慮舟楫多被損失故道之所由
 廢此國初既通旋罷今誠難議復也其通蘆臺漕河無危

然必從白場兔兒坨上下挑出道路迂紆四五百里中多
 堆沙難挑易塞不惟工大財誦抑且徒勞無益民則懲咽
 而廢食官以覆轍為畏塗矣因委武學科正王弘爵博訪
 詳度據稱自灤州王家開起引灤水入清河導入王塚坨
 河再導使由艾家青溝下接靳家河以通交流河進黑洋
 海口經建河堂兒上百有十里復出大沽海口入通州運
 糧河而上天津地理近工費省間雖有百餘里行海然鹽
 船乘潮往來不聞有覆溺足知無虞詢之于眾皆言挑此
 比舊二議為便本府乃躬視灤州迤東二十里馬城堡西

爲王家開其南關相距十里原係海運入灤故道嗣因運
罷久湮遂成平田而關迹尚存南關頭六里至龍堂橋北
有細泉或伏或見成溝僅一丈不堪載舟是清河小發源
也再二里有煖泉混混南流漸遠漸大是清河大發源也
澗二丈或二丈五尺深尺半或二三尺三四尺再八里許
則沂河自五子山西灌之其流益大益深矣澗三丈或二
丈五尺深堪通艇又二十里臨河貫之水不甚大又三里
至歇家橋又三里半至土兒社李家莊其深澗與上等然
不免從此南趨綠洋口入海原運皆由口北上家開今馬

頭營固其舊圍倉處李家莊迤上河原寬淤填其半而岸
有曠地其西半溝半道相雜民田約十數里過卽王塚地
河無源灤河漲入青不能容必從李家莊西瀉遂下注之
加以秋露泊湖等港諸水輳集故爲極澗不減二十餘步
雖中間淺斷不一而深處爲多詢土人老者皆言自幼未
見其澗今春深三四尺夏秋旱甚始消是深者常而澗者
暫也且灣環曲直自樊各莊起而高廟莊而曲荒店而磚
窯店而馬孤塘而賈各莊而狗兒村而印步店凡四十餘
里至楊家莊亦南趨海莊南有沙坨長一里高河五尺若

穿之卽艾家青溝東西長七里間或荒或田深如溝十歲
九滄今旱始涸其地多無錢糧民視之不甚惜堪濬爲河
過梁各莊而靳家河流經焉其初甚微出四里至黃沱濶
一丈五尺又五里至雙坨濶三丈又六里至栢各莊濶六
丈皆沒胸堪載大舟稍南散漫三股濶里許中股五里盡
至長坨竈濶一丈若束三股併流濶當數丈矣凡鹽船泊
交流河者可望相去五里其源本相接因鹽丁不便往來
遂塞使不通河名交流者由海潮而成故微有五里淤淺
外則大潮所至橫斜行七十餘里入黑洋海口又三十里

則建河海口又四十里則堂兒上海口又四十里則大沽
海口出口入通州運糧白河百餘里天津備矣是此道一
通不過三百餘里舟可徑天津抵灤北西由蘆臺河其道
豈但倍近且惟黑洋海口至大沽百十里由海隨鹽船出
入當保無他虞比由綠洋海口造灣其遠近險夷安危亦
不啻十百相懸焉中間應挑之處計大費工力者不過交
流河接靳家河五里黃坨抵艾家青溝十二里李家莊抵
樊各莊十里煖泉抵南開頭八里與夫王家坨河之經楊
家莊卽步店狗兒村賈各莊土淤高厚者十二三里耳其

餘或止應挑深五六尺七八尺濶五六步七八步者約以河五丈計之論工大小折半通筭濶三丈深一丈者總不過百三十餘里耳工固不甚多也况下因川澤不損民居妨田不及五頃其價未足百金驗河所經惟李家莊西有沙三里楊家莊南有沙一里其餘俱土脈膠固無憂其善崩河之所自若煖泉若沂河若陷河若靳家河俱水性如常可弗苦其變遷則語有利無害又孰以踰乎此惟王家閘一處議者每言挑接灤河雖便通舟然灤河西下平岸一丈八尺焉能使之逆流而上入清河哉且灤暴湍常帶

沙石漲則閘不能制退必遺沙填積將來歲挑每費恐反爲青梗莫若挑青至馬城本堡方議修壕以壕土築城而借壕爲河使可容數十舟南來運艘俱住此焉雖隔灤尚五六里道不甚多且平坦便車至灤易舟而運則青不受沙石擾而挑夫可省歲費似于計兩便也誠于可挑者挑之可因者因之而李家莊楊家莊南岸各築大壩一道以阻清河併防順王塚地河入海量置函洞備大水宣洩使青之水盡入王塚地接靳家河之所置閘設夫守之潮至則啟退則閉又于煖泉上亦置閘以蓄上流細水則水常

足舟可輓行天津之運餉無不順下于灤矣由灤而北運
建昌太平西運灤陽漢莊陸轉喜峯松棚三屯附近營路
東運桃林等口其水路皆可次第畢通豈惟沿邊兵食足
卽州縣衛歲從豐歉粟有出入商舶百貨轉集而承變富
饒之區矣况遼東海運常苦損舟若永平運通則由府城
而車至山海或舟車至遼東皆免風濤之險其士餉尚亦
有賴是所謂無窮利也合行各路客兵應修邊工暫行停
減或量分主兵代修而移其衆以濬河計名限日畫地分
工若尚有不足則量加民夫三四千佐之仍委賢能有司

分督則衆力競勸可不月而成無煩奏請無費帑金於客
兵未爲重勞于邊方實爲永賴矣按弘爵議建開六處以
驅灤水入清河則王家開當復舊而今惟達于馬城復唐
之舊規則此開不復置其二云驅青河水西通曲王店歇駕
橋當置開驅王塚坨水通梁各莊河印步店當置開三水
皆會于海河之下流稍各莊當置開今議于李家莊楊家
莊各壩而函惟于接靳家河開之而于煖泉上置開蓄焉
是皆要領肯綮矣然弘爵云海邊潮河自蘆臺南旱沽子
起東行三十里至大坨可通巨船坨東北四十五里由椿

樹溝高家莊至李家莊通于建河下稍順河東北行十里至碓臼兒又東十五里至于家沽入黑洋潮河則黑洋河海迤西全用建河上稍遷安豐潤所滙白場之水每年積聚不涸今開漕當開碓臼兒東水東入于家沽以接黑洋河開李家莊使水西通大坨接旱沽子是東爲李家莊壩西爲李家莊閘中間宜設合宜尤爲萬全之計也視之沙河旣省而于海運故道其挑濬之費相當且獲避蠓蛇之險當路不爲國爲民則已如爲之當決策而從事矣

以上
采取

各史及刪
錄舊志

自萬曆年間議開漕通海未行而罷至天啟崇禎間因添設沿邊兵馬需糧甚多青河卒難挑濬乃從海運由天津航海三百餘里至樂亭縣劉家墩海口入灤河二十五里上至銀夯柳倉交卸改用河船運至府城西門外蓋人永豐倉計水程自銀夯柳至府西門百八十里春夏秋三時水運至冬水堅難行設陸運車夫自銀夯柳輓輪永豐倉海漕旣通商舟乃集南北物價亦賴以通荒瘠之區稍變饒腴若云海道風波險阻乃行之幾二十年未聞有覆溺之患此海運可行之明驗也至順治初年邊圉無警兵衛

日削需糧不多海運遂廢而沿河倉房因歷年不行修葺
坍塌毀無存其樂亭劉家墩海口爲登萊津遼海道極衝崇
禎年間設海防一營駐劄汛防今革

本府行各州縣查據灤州回稱明季漕運規則並無
卷可查其城北倉房三間因先年大兵扎營俱經燒
毀盧龍回稱查得城南虎頭石離城八里因河道通
銀奔柳海運于明季萬曆年間修造倉廩堆貯糧料
以備軍需因屢遭兵火坍塌無存漕運規則無卷可
查昌黎回稱明末之時有海防五城兵馬住劄本邑
索餉鼓噪衙役四竄文案無存無憑稽查樂亭回稱
漕運卷案明季時俱在永平戶部經理並無卷案在
縣今蒙行查詢諸舊時父老據稱樂亭海口自劉家
墩上通灤河自海口至銀奔柳二十五里銀奔柳至
府水程一百八十餘里劉家墩至天津海口三百餘
里明季時北邊關各口上多設防兵需用糧米特設

戶部專理兵餉照經制額定官兵請撥漕運其糧米
由天津航海運至銀奔柳交卸先時未建倉廩糧米
俱是露囤至崇禎三年兵多糧增蒙戶部發銀到縣
起建廩房二十七間戶部委官收貯春夏秋由灤河
水路運糧至冬河凍陸路輓輸歷年灤河水發廩房
坍塌無存劉家墩海口係登萊津遼通路崇禎六年
間分山海南海口營兵將駐防所食糧餉是截留戶
部項下米糧等語撫寧回稱海運漕糧明季時事屬
餉司經營原不由縣再查倉房基址于崇禎四年離
縣城四十里在南戴家河創建房二十四間貯積戶
部海運經今年久頽壞不堪止有標木豎架不堪貯
用其天啟四年并崇禎三年文卷已經兵火無存

鹽法

余嘗覽彭惠安公鹽政之圖而知竈丁之苦固天下所同也永平僻在一隅獲利既尠行鹽亦窄非若江淮之間通都大邑可以致百萬之贏而濟軍國之亟故鹽以票行課以包納舊制相沿上下均便 新例召商中鹽納課竈戶入鹽于商商轉發賣近因戶口日繁加增引課而奸民私販案牘累累商亦困乏課常逋欠豈運會使然耶昔武皇權制用孔僅之籌昭帝深仁采文學之議此亦地方疾苦之一端敢不謹

永平府志 卷之八
書而備錄之乎

管子齊有渠展之鹽燕有遼東之煮廼下令北海之民無得庸聚而煮鹽其割無棣北予燕乃遼西地皆北海民也後魏水興間遷鄴始置監鹽官太傅清河王懌奏于滄瀛幽青四州境傍海煮鹽皆計竈有額幽州一百八十青州五百四十六

唐置鹽鐵官在河北劉守光僭燕置蘆臺軍于海口鎮後唐同光中趙德鈞鎮幽州置鹽場及榷院謂之新倉遼太祖天贊二年徙石城于灤州南以就鹽官

太宗會同元年晉獻山前地遼遂有煮海之利海陽陽樂皆平州鹽地也五京計司各領其地煎取之

金世宗大定三年榷鹽院置使司設副判官管勾

十一年十二月罷平州椿配鹽課

十三年二月罷平灤鹽錢

元憲宗七年平灤路達魯花赤阿台請蠲銀鹽酒等稅課八之一而細民不征

世祖至元四年八月辛酉申嚴平灤路私鹽酒醋之禁二十四年置灤州四處鹽局

倒換循環而有責成于是樂亭縣新橋海口巡司遂屬運
司矣其弓兵雖有額設若贅旒焉後移巡司于灤州榛子
鎮而新橋之司遂廢

其場官元制每場設司令一員司丞一員明制每場設大
使一員副使一員今因之郡之四場無副其大使俸米本
折濟民于灤州石碑于樂亭惠民于昌黎歸化于撫寧支
之

其四場之境濟民則距分司七十里使司五百七十里南
濱海東極潮河接石碑北至倭城灤州境西跨運河連越

支延亘百三十五里中鹽坨三東曰青坨中曰孫家林坨
西曰十九圈坨堡三曰東曰中曰西煎灘八處竈房八間
淺鍋五十四面草場四處大泊口劉家河海家井兔兒頭
石碑在濟民東七十里距分司一百四十里使司六百四
十里南臨海東接樂亭界之石各莊北跨永平之南河西
抵劉家河廣百七十里中鹽坨三曰石碑廠曰馬城廠曰
如何廠堡五曰劉家林曰王家莊曰大灘曰羊欄坨曰如
何灘俱在場南竈房二十間淺鍋五十七面草場一處東
至大海南至桑坨西至劉家河北至本場

惠民在石碑東一百五十里距分司二百九十里使司七
百九十里南濱海東南至洋河海口西連石碑接昌黎境
北至龍王廟周二百二十里中鹽坨三日官莊曰蒲河曰
團林煎灘三處竈房四十間淺鍋四十面草場一處共地
五頃

歸化在惠民東南一百四十里距分司四百五十里使司
九百五十里東抵山海關西北連惠民接撫寧境南臨海
接秦皇島延二百里中鹽坨三日東曰中曰西堡三日東
曰中曰西灘倚山蕩麓竈房二十間淺鍋二十面無草場

煎時買山柴

鹽有煎晒二種晒易而煎難晒宜南而北則煎風氣殊也
其煎法擇鹹地畚鍤起之攤晒候乾乃實土池中以水浸
淋而滷滲之投以石蓮子驗其浮沉須蓮子浮立滷面乃
可入鍋沉則滷淡不可煎矣投滷于鍋熾薪于竈滷乾鹽
結隨乾隨添必鹽至滿鍋乃起鍋有大小不等每鍋可煎
數斗有至石者然必資于水草故必冬窖水秋積草而春
有淋煮之勞夏復謀食而耕晝作而夜候潮蓋四時無寧
晷焉既計時而事遂計竈而課戶無虛口歲無虛時困苦

之極逃亡者半矣

其課額明初損益元制每一大引四百斤折二小引每包二百斤外加包索五斤後增至八十斤計一引凡二百八十五斤

嘉靖八年御史傅炯奏長蘆濟民石碑惠民歸化四場離小直沽批驗所寫遠外接境山海等關舟楫不到商旅不通商引支掣實難丁課倒墜相繼商遂棄引不返先年准納布價至今商竈稱便合將四場竈丁每引改折銀一錢解司給商收置勤竈餘鹽以補原中之額是亦疏通之法

也從之

濟民場供用七十四引一百四十九斤十四兩 折價三

千二百一十五引一百七十五斤九兩四分 折布三千

二百九十引一百二十五斤七兩四分徵價二百一十三

兩八錢九分六毫四絲

石碑場供用一百一十三引一百四十九斤 折價四千

一百一十五引一百五斤九兩六錢 折布四千二百二

十九引五十四斤九兩六錢徵價二百七十四兩九錢二

厘五毫六絲九忽五微

惠民場供用三十九引一百六斤 折價一千五百四十
二引一百九十九斤十兩四錢 折布一千五百八十二
引一百五斤十兩四錢徵價一百二兩八錢六分四厘一
毫四絲六忽一微二纖五塵

歸化場供用四十六引四十九斤四兩九錢 折價一千
三百十五引七十二斤十一兩一錢 折布一千三百六
十一引一百二十二斤徵價八十八兩五錢四厘六毫五
絲

其白鹽形散色潔以上供內府及藩府京用此惟正之供

也外本色以給商及布價折價俱徵于總催而場官督之
驗實以通關是歲事之成也其雜征乃戶口鹽鈔原額本
折二項嘉靖六年改本色每貫折銀一釐一毫四絲三忽
折色每貫銅錢二分每七文折銀一分 濟民場本折各
二千六百四十三貫共折一十兩五錢七分二釐 石碑
場全上 惠民場本折各一千七百七十貫共折七兩八
錢 歸化場本折各一千六百七十七貫共折六兩七錢
八厘 隆慶四年御史蘓士潤奏准自五年起各場鹽鈔
盡數豁免永罷追徵

其黑土課米惟近海數場有之乃刮取黑土淋煎成鹽工
力極省但苦海潮往來遂廢不煎舍鹽而漁洪武三十年
查近海場戶船共辦黑土課米永樂元年增戶加米嘉靖
二十九年改課米爲折色每石折銀五錢赴司經解官司
納完給批關銷照濟民七石三斗石碑五石五斗五升惠
民四石六斗並解永平府界嶺口倉

其祇候馬夫力役之征各場逐年計口派徵皆令總催輪
司每口派銀一分四厘一毫五絲五忽六微濟民銀十七
兩八錢六分四厘三毫六絲七忽一微石碑銀二十兩三

錢八分四厘六絲四微惠民銀八兩八錢八分九厘七毫
一絲九忽八微歸化銀八兩七錢一分九厘八毫四絲九
忽六微此解司之數也其門庫皂快水手各工食每名九
兩六錢石碑六人濟民惠民歸化各一人皆計口派而自
取之

行鹽地方以課之多寡量地之遠近分界立制不許越境
攙賣違則具有律例嘉靖三十九年戶部定派永平三千
九百十八引分屬州縣灤州盧龍各一千八十九引遷安
撫寧昌黎樂亭各四百三十五引官立循環簿記買過引

鹽井水程期限按季送鹽院稽考隆慶五年鹽院議額派
商引因邊境不通商賈故將鹽引酌量州縣大小計里分
引每引納銀一錢題准減派爲一千引灤州七百遷安一
百盧龍昌黎樂亭撫寧各三百引共納引銀二百兩又于
丁口食鹽每百斤抽納稅銀一分五厘共多銀一百六十
餘兩本府印票發州縣填給賣者如數納課按季解司灤
州一百二十三兩六錢六分遷安五十七兩七錢二分二
厘四毫昌黎六十兩三錢樂亭六十二兩八錢四分六厘
撫寧二十九兩八錢七分一厘八毫盧龍二十五兩三錢
八分以上共三百六十兩七錢八分一厘二毫至次年復
加銀及六衛共五百兩爲年例灤州加十四兩遷安加十
兩二錢一分八厘八毫昌黎加十兩樂亭加十二兩撫寧
加十五兩盧龍加八兩共六十九兩二錢一分八厘八毫
六衛共加七十兩俱州縣衛分納至萬曆三年將附郭一
縣三衛之課歸之稅課司府給號票每張納銀六分各衛
具領送縣投府而發司如數給領縣徑解運司若羨入之
府庫登循環簿其外二縣有衛各附縣至十七年山海亦
歸之撫寧爲之代徵解焉

其不附衛者三灤州樂亭昌黎無代徵解其附衛者三遷
安代解興州右屯衛十兩撫寧代解撫寧衛十二兩山海
衛十三兩盧龍代解永平衛十一兩盧龍東勝左二衛各
十二兩

通計六屬六衛每歲包納課銀五百兩官給小票行販納
錢于官自行買賣法至便也自嘉隆以來通行無滯以至
新朝仍沿舊例順治四年戶部奏立畫一之規因天下各
司俱有鹽商惟順保永三處無商遂題奉

旨改引招商時綱商武國臣張希穩赴部認商納引乃以
州縣戶口之多寡定額每丁歲食鹽十斤四兩府屬共定
五千八十六引每引歲納銀二錢六分至十三年以兵
餉不繼每引加銀六分十六年又加八分計舊額新增每
引該銀四錢計府屬共該課銀二千三十四兩四錢云
直屬俱食晒鹽惟永郡無灘可晒獨食煎鹽然接壤旣產
晒鹽不難運銷而永平四場所轄竈戶甚多竈丁錢糧亦
復不少皆藉煎鹽供賦故不能罷煎運晒前朝無綱商乃
土著豪橫者爲之 國朝初仍舊制自順治四年戶部奏
請革去土商改引歸綱增引至五千八十六道順治十七

年准御史高而位以 畿東鹽法壞極等事調奏議增引至六千六百八十七道因鹽細如麵不能築包則不能秤掣且係零煎零賣無處拉運是以按引包課時澤州衛天裕認商辦納至康熙十七年准御史傅廷俊調奏遣司官石住查永屬丁冊生齒日繁遂依按丁銷引例又增引六千四百六十八道永平六屬及山海一衛附撫邑帶銷新舊共引一萬三千一百五十五道衛天裕告乏引同鄉王御世克認照引辦課其價奉撫鹽兩院酌定每斤一分二毫然永屬俱係錢樁今錢價日低較前僅得官價之半於

是乎商病而課亦拙康熙四十四年因薊商牽累於發審案內經本府承審議革舊用升斗改用筐籃以杜輕重手之弊復增新引五百七十二道通共新舊額引一萬三千七百二十七道奉守巡兩道會詳撫院題定在案每引止銷二百二十五斤大例加耗五斤以二百三十斤爲一引每秤二十三斤十秤合爲一引查津鹽每引例銷二百四十斤永鹽因不築包秤掣故減去十五斤然視本郡之明制竟減至五十五斤矣

向每引歲納銀二錢六分自康熙十三四年起節次加增

永平府志 卷之八
今每引歲額銀四錢二分三厘六毫四絲五忽三微八纖
從前土商行鹽類多豪橫商橫勢必病竈又但知行鹽者
於納課州縣爲之賠累抑且病官故戶部有革土招商之
請自歸綱增引之後辦納維艱而竈戶又有措勒長支之
弊商爲之困至煎燒全賴柴草近因潮水屢沒草灘購買
供煎竈戶更得藉口以致竈價頻增商困益甚現今召募
四年絕無殷良承頂大槩可知

永平偏處東隅形如牛角西接晒鹽煎粒不能出境南臨
大海官鹽無可銷之地而奸徒常以大船裝載跨海而來
屢捕屢犯東抵關門關外無引之鹽時有夾帶北連邊口
口外羈鹽販徒偷進是以案牘累累蓋因前之司土者視
爲無關痛癢遂致肆行克斥夫鹽政之設國課攸關雖
本府嚴飭緝懲近稍斂跡然今日鹽法之壞更甚於前惟
俟主鹺者設法挽回耳

永平府志卷之九

萊陽宋

琬撰次

府學訓導徐

香叅訂

蕭山張朝琮續纂

盧龍教諭胡仁濟校輯

邊防

考前代防邊之制長城始築于燕而秦漢修之渝關始見于隋而唐守之皆此郡之故實也及徐武寧準古揆今依山面海屹然東方一重鎮矣故建文之世東兵據山海遂與靖難爭衡中葉以還軍政多門戎昭不競然猶補壞苴漏以收憑城保塞之功如戚少

保之經畫三屯其遺垣廢壘卽不得與孔明八陣並
垂而追想其人亦一時之英傑也昔子長史記徐光
祿之亭鄣特詳宋祁唐書張仁愿之三城具錄是以
采摭舊志具而書之俾後之言邊政者可考焉

一統志

劉家口關 在遷安縣北東至
桃林口關凡四口

桃林口關 在盧龍縣北東至
界嶺口關凡四口

界嶺口關 在昌黎縣界東至義院口凡六
口其間差大者爲箭桿嶺口

山海關 在撫寧縣東其北爲山其南爲海相距不數里許
實險要之地前朝魏國公徐達移榆關于此改今

名

青山口 在遷安縣西北西接大喜
峯口東至冷口凡十二口

冷口 在遷安縣西北東至劉家口關凡三
口其間差大者曰河流口徐流口

義院口 在撫寧縣北東至董家口凡
五口其間差大者爲石門寨

董家口 在撫寧縣北東至山海關凡十口其間差大者爲
大毛山口大青山口 內本朝二字係原文例不

敢改 郭造卿曰按榆關自唐後廢久矣魏國之山海乃
改元之遷民鎮立關非移舊關而置也然昌黎縣不臨邊
界嶺口乃撫寧地也大喜峯乃遷安西北地且于順天遵
化縣云在縣北凡七十口至永平府青山口與永
平府接不過三四口耳卽至大
青山關亦無七十口也誤矣

舊志

山海路邊城東自南海口關靖鹵臺至寺兒谷化皮山墩

西五十二里三十七步凡八千五百七十六丈六尺 關城磚壘高四

丈一尺周千五百二十八丈凡八里百三十七步月城二

水關三居東西南三隅四門樓東曰鎮東西曰迎恩南曰

望洋北曰威遠東南角樓曰靖邊樓各重鍵堅櫓圍鋪舍

二十有六池千六百八十餘丈廣二丈深二丈三尺外夾

池深廣半之地勢下泄城中積水而引以灌池八所畫有

分地界碑設之女埤鐘鼓樓城中央月城外羅城周五百

四十七丈餘高三丈三尺廣二丈四寸餘敵樓便門各二

附牆候臺有七池周四百四丈餘城隍廟在城西北隅教

場在城南郊 南海口 城東南碑高二丈八尺西北上高丈五尺周百十三丈門樓列南

角山關 城石高丈五尺周三十丈 三道關 城石高丈七尺烽墩軍士十八名

十八丈門 寺兒谷 城石高丈二尺周百十七丈門樓二 臺二十三 日靖鹵日

王受日白舖日北小舖日大灣日界牌日南水日北水日

腰舖日旱門日角山東日三道小口日桃園東日三道正

開日爛石日唐帽十六日唐帽西日尖山十 烽十四 日任

八日尖山西日松東日松山日松西日松嶺 皮山 墩十二 日東山日大安口日青陽峒日桃園西

山日化 唐帽山日半邊山 偏坡千六十四丈九尺 本路無提調分閱詳烽墩

日長嶺日東南山

險隘為例
他路畧之

石門路邊城東自一片石關南山唯號臺至甘泉堡套馬

嶺烽墩西百里三十步凡萬二千三百八十五丈九尺臺百九十五烽七

十五墩二十六偏坡九千五百九十七丈 關城石高二

丈八尺周二百三十九丈七尺增東西南三百二十丈高

三丈五尺濠二百二十七丈南門有樓東為便門教場城

南

黃土嶺關提調駐一片石城東西磚南北石高二丈六尺周二百二十八丈東南門各樓

附城石周二百二十七丈西隅高三尺教場城西北 廟山口城石高二丈二尺周百五丈二尺南門有

樓 西陽谷城石高丈二尺周百八十丈一尺南門有樓 黃土嶺城石高二丈二尺周

百七十餘丈 炕兒谷城石高丈五尺周八十三丈西門有樓 大青山城石

高丈八尺周百十丈二尺南門有樓 小河口城石高丈四尺周二十九丈九尺西門有樓 黃

土嶺營城石高二丈七尺周二百七丈西門有樓西南便門二

大毛山關提調駐城子谷城石高二丈四尺周百三十九丈三尺餘西南門各樓教場城

東 娃娃谷城石高丈五尺周五十二丈三尺南門有樓 大毛山關城石高丈五尺

周百五十丈餘 董家口城石高丈六尺周百九丈六尺西門有樓 柳河衝

城石高丈五尺周五 水門寺城石高丈四尺周八十四丈南門有樓 平

頂谷城石高二丈周百六十丈餘東南門各樓 長谷駐操營城石高二丈四尺周二百

十丈四尺西南門
各樓北為便門

義院江關提調

城石高二丈五尺周二百三十七尺
門樓日東日西日南教場城東南

長

谷 城石高丈五尺周二十
九丈七尺東南門各樓

板場谷

城石高丈五尺周九
十二丈四尺南門有

樓 挈子谷

城石高丈三尺周百五十
九丈三尺門樓日東日南

花場谷

城石高
丈五尺

周百二十一
丈南門有樓

葦子谷

城石高丈六尺周百十
八丈九尺東門有樓

平山營

城磚高丈三尺周二百五十
一丈八尺門樓日東日西

臺頭路邊城東自星星谷馬思嶺空至乾澗兒關防秋墩

臺西百二十四里

北一萬六千二百
十五丈五尺

臺百三十一烽四十

六墩十八偏坡五七六百二十三丈 路關城土高三丈

周三百二十七丈壕百六十一丈五尺門樓日東日西

南教場城南

界嶺口關提調

城磚高三丈五尺周三百七十五丈四尺
西門有樓外有月城教場城西南左右山

上有 荒城 星星谷

城石高丈七尺周八十
八丈二尺西門有樓

中桑谷

城石高
丈八尺

周百三十二丈
七尺南門有樓

箭桿嶺口關

城石高丈八尺周二百九
十二丈三尺西門有樓其

荒城在 羅漢堡

城石高丈八尺周
百二十丈門南

附馬寨營

城磚高
二丈周

百六十八丈門
日東日西日南

青山口關提調

城石高丈六尺周百七十一丈九尺
門在南城內北隅石臺一教場城西

東

勝寨

城石高丈五尺周百二
十八丈八尺門在南

乾澗兒

城石高丈四尺周
百九十二丈門日

西日 青山駐操營 城石高二丈周三百四十
南 七丈門樓日東日西日南

燕河路邊城東自桃林星峪口大石門西山墩東空至冷

口白道子白草窪號臺西六十四里 凡萬三千六百
四十六丈九尺 臺百

四十六烽四十六墩三十六偏坡萬三千三百二十九丈

七尺 關城磚高三丈周四百二十一丈八尺壕七百二

十八丈東西南門各有樓教場城西南

桃林口關提調 上城磚高三丈六尺周二百四十丈門日
西日南其北日便下城石高丈二尺周百

二十五丈六尺門 重谷口 城石高三丈周百九十一丈
日南教場城西 二尺門樓日東日西日南

梧桐谷 城石高丈餘周百三 正水谷 城石高丈五尺
十二丈三尺門日南 周百十八丈門

日 孤窠谷 城石高丈五尺周八 佛兒谷 城石高丈五
八丈九尺 十三丈九尺門日南 尺周百四十五

門日南 劉家口關 裏城磚高三丈四尺周百二十三
丈八尺門日南外城石高丈四尺

周百六十九丈六 桃林營 城石高二丈五尺周二百九
尺門日東日西 八丈三尺門日東日西日南

劉家營 城石高二丈五尺周三百十 徐流口
一丈門樓日東日西日南

冷口關提調 城磚高二丈九尺周三百八十七
丈有尺門日東日南校場城南

城石高丈五尺周二百五十 河流口 城石高丈七尺周
丈一尺門日東日西日南 二百二十四丈有

尺門日 石門子 城石高丈五尺周二百十
東日南 丈有尺門日東日西日南 徐流營 城
高丈五尺周二百六十二

丈二尺門日東日西日南 太平路邊城東自白羊谷水眼寺臺至大青山嶺西百十

太平路邊城東自白羊谷水眼寺臺至大青山嶺西百十

三里 凡萬二千三百六十九丈二尺五寸 臺百十二烽四十九墩十一偏坡

七千五百六十九丈 開城石高二丈六尺周五百六丈

六尺塹五十一丈東西南門各有樓西小門北水關中鼓

樓教場城南

擦崖子關提調 城石高丈四尺周三百十七丈 白羊谷

城石高丈四尺周二百十 四丈三尺門日東日南 五重安 城石高丈五尺周百二十七丈五尺門日

西日 新開嶺 城石高丈四尺周百六十 城子嶺 城石

四尺周百六十八丈五 尺門日東日西日南 五重安營 城土高二丈五尺周二百六十七丈四尺

五寸門日東 日西日南

榆木嶺關提調 城石高丈五尺周百四十七丈 大嶺寨

城石高丈五尺周百六十 三丈一尺門日東日西 爛柴溝 城石高丈四尺周百三十丈三尺門在南

青山營 城石高丈五尺周二百四十三丈門口東日南日北

喜峰路邊城東自喜東寺兒谷至團亭獨石臺西百三十

里 凡萬二千四百二十三丈四尺五寸 臺四十六烽三十四墩二十偏坡五

千一百四十四丈 關城石高二丈周四百十八丈六尺

塹八十一丈五尺西南門各樓荒城在北正關有月城教

塲城西

董家口關提調 城石高丈五尺五寸周百八十一丈 青

山口關 城石高丈四尺五寸周六十六丈九尺門在西

遊鄉口 城石高丈五尺五寸周百一丈

李家谷關提調 城石高二丈五尺周二百二十八丈一尺五寸南門有樓教場城南

鐵門 城石高丈三尺周百二十七丈餘門曰西

團亭寨 城石高丈三尺周百二十七丈餘門曰西

松棚路邊城東自潘家口垂綸臺至小嶺西百十六里七

十一步 比萬二千六百七十四丈七寸 臺百七十二烽五十五墩三十二

偏坡萬二千六百四十二丈九尺 路城磚高二丈五尺

周三百八十八丈五尺塹二百十九丈門樓曰東曰西曰南

東角曰觀兵臺北隅曰真武閣教場城南

潘家口關提調 城土高二丈二尺周二百十九丈六尺門曰西曰南教場在城南

西常 城石高丈六尺周百十二丈九尺門在東

三台山 城石高丈六尺周百四十八丈八尺門在

龍井關 城石高丈五尺四寸周二百九十七丈八尺門曰南曰北東北月城高二丈周二十一丈

椽八谷 城石高丈七尺周百四十三丈五尺門在東

洪山口關提調 城石高丈五尺周三百十三丈八尺門曰東曰西曰南教場城東

西安 城石高丈四尺周二丈二尺八寸門在南

白棗谷 城石高丈四尺周百四十三丈門在

外羅文谷提調雖屬本路非郡境不具 凡邊舊數具里步新數具

丈尺折筭不同而存之其外品坑 圍牆多增內駐操教場久廢不具

三屯營城石高三丈周千九百九十七丈七尺門三東曰賓日
西曰鞏原南曰景忠四隅有角樓中間以敵臺門各有重
城東西北隅各有小門鼓樓在城南中即上古營南第一
樓也鐘樓在鼓樓後池深二丈廣倍之城隍廟在城內西
北教場在城外西北 車前營舊漢兒莊潘家口屬也城
土高二丈周五百二十六丈門三曰東曰西曰南教場城
東 車後營舊灤陽營喜峯口屬也舊城土高丈餘周六
百丈門三曰東曰西曰南教場城南二營今為三屯車營
兵赴三屯操練故附 車前瓦蓋未堞
車後毀平未築

建昌營城磚高三丈五尺周八百五十三丈六尺門三曰
東口西曰南有月城有樓四便門四隅有角樓有腰鋪鼓
樓在城中城隍廟在城西北教場城西 開平衛城磚高
二丈五尺周四里門三曰東曰西曰南有樓教場城北屬
薊州遵化守備以境內城池故附

附海口三營

新橋營在樂亭南城周八百四十二丈墩臺十四 日野猪
口日年

掘坨曰馬城厥曰新河套日施鳳局日韭菜溝日猫兒港
日大蓬臺日劉家河日蠶沙河日大伯口日西長坨日呂娘
坨日沙
赤洋營在昌黎東南城周三百八十七丈墩臺五

日赤洋口日黑道口日牛頭崖營在撫寧東南城周三百

北口日青口日五家舖日蟹兒口日秦皇島日牛頭崖三城各

八十七丈墩臺六日金山嘴日河南寨日猪圈坨

高丈餘門三年久俱壞但存故址

山石道

山海關 卽城之東門 南海口關 城南十里 南水關 城南二里關設二

先年邊警不作以後春夏則啟之以通水道冬間則閉之

以防外盜內止列木爲柵數有邊警嘉靖四十三年主事

孫應元集議呈部添設鐵葉關板二扇每扇濶一丈二尺

高一丈四尺旁用大木柱亦以鐵葉包裹柱上各有護朽

石柱下各有出水石城上設懸樓以蔽風雨沒滾水轆轤

以便啟閉無事則高懸城半有事則開至水底卒遇警急

可無慮云 北水關 城北二里關設一門河自東來入之嘉靖四

十三年添設關板一扇制度與南水關同

旱門關 城北六里相傳先年放夸 角山關 城北十二里角

人及故樞在此今砌塞 寺兒峪關 城東北三

截谷紆迴其上先年 三道關 城東北二十里

守備所屬以此爲界 南水關敵樓 在本關

上二關舊屬石門寨隆慶三年裁革 北水關敵樓 在本關

守備改設叅將撥付山海路管理 嘉靖以前原額八千五百七十六丈六尺萬曆七

年增築南海口入海石城七丈 都督戚公繼光行叅將吳

無行文本文 路修補 敵臺 鎮城敵臺五座 羅城一座 西關南北二座 靖鹵一號臺 在南海口盡頭屹立海水中嘉靖四十四年

兵威繼光改名靖鹵臺又旱門關外鎮鹵敵臺一座亦孫公建後因邊裏築臺遂廢王受二號臺萬曆

二年軍門楊公兆行參將沈思學建白舖三號臺北小舖四號臺大灣

五號臺 界牌六號臺俱萬曆十二年軍門張公佳南水

七號臺萬曆元年軍門劉公北水八號臺萬曆二年劉公

腰舖九號臺萬曆十四年軍門王公旱門十號臺萬曆二年軍門

劉公應節行參將林岐建角山東十一號臺隆慶四年軍門譚公三道

小口十二號臺隆慶五年軍門劉桃園東十三號臺萬曆六年

軍門梁公夢龍行參將吳惟忠建三道正關十四號臺隆慶二年軍門譚

德建爛石十五號臺隆慶四年譚公唐帽十六號臺隆慶五年

劉公行參將管英建唐帽西十七號臺萬曆六年軍門梁公夢尖山

東十八號臺萬曆五年軍門楊公尖山十九號臺萬曆十

門王公行參將谷成功建松山東二十號臺隆慶三年軍門譚公松山

二十一號臺隆慶五年軍門劉松山西二十二號臺隆慶

軍門譚公行參將管英建橫嶺二十三號臺隆慶三年譚公以上

敵臺共二十三座每座傳烽墩十四處砲空三十六位設

防守百總一名南兵五名北兵二名統以千總一員把總

二員每臺置佛郎機八架快鎗八桿火箭五百枝鉛子四

千五百六十個石砲三百位火藥五百觔火器什物俱全

...

烽堠 山海共計一十四處每軍士六名遇警旗砲接傳

隆慶四年都督戚公繼光始設

演武場 在南門外 有望軍臺

新軍營房 在城東 南角

營制 按開門營制之設東事以來總戎時援遼境官如傅舍兵若借乘自天啟二年閣部孫公承宗始置三部元戎設立營伍迨崇禎五年撫臺丘公禾嘉六年撫院楊公嗣昌九年撫臺馮公任俱有更置撫臺朱公國棟熟酌人地因勢而變通之確然有一定之經制云

天啟二年始定經制

中部五營

神武營 威武營 戡定營 綿武營 戢武營

南部五營

寧武營 襄武營 定武營 耀武營 龍武營

北部五營

振武營 奮武營 英武營 雄武營 翼武營

前部副將五營

廣武營 宣武營 肅武營 壯武營 彰武營

後部副將五營

驃武營 驍武營 捍武營 捷武營 衝武營

一片石五營

招武營 健武營 靖武營 經武營 修武營

以上閣部孫公承宗定自天啟五年至崇禎四年更換營制因東援官掾陣亡文卷無存難稽

崇禎五年酌定營

驃騎營 鎮標內丁營 驍騎左營 驍騎右營 本

道標下飛騎營 鎮城中營 鎮城左營 鎮城右營

羅城營 南海中營 南海左營 南海右營 北

山中營 北山左營 北山右營 一片石營 黃土

嶺營 城子峪營 義院口營 中前所騎營 中前

所城守營 鐵場堡并永安堡 海防左營 沙唬遼

船五十隻 山海軍器局 石門軍器局

以上撫院丘公禾嘉定

崇禎六年更換營制

親丁營 鐵騎中營 鐵騎前營 鐵騎後營 鐵騎

右營 驃騎營 驍騎左營 驍騎右營 鎮標內丁

營 道標飛騎營 鎮城中營 鎮城左營 鎮城右

營 羅城營 南海中營 南海左營 南海右營

北山中營 北山左營 北山右營 一片石營 黃
土嶺營 城子峪營 義院口營 海防左營 中前
城守營 鐵場堡 山海軍器局 石門軍器局
以上無院楊公嗣昌更

崇禎七年更營制

監標營 親丁營 內丁營 飛騎營 驍騎中營
驍騎左營 驍騎右營 鐵騎中營 鐵騎前營 鐵
騎後營 鐵騎左營 鐵騎右營 鎮城中營 鎮城
左營 鎮城右營 羅城營 南海中營 南海左營

南海右營 北山中營 北山左營 北山右營
一片石營 黃土嶺營 城子峪營 義院口營 海
防中營 海防左營 海防右營 中前所城守營
鐵場堡 山海軍器局 石門路軍器局

以上自崇禎七年至本年終撫院楊公嗣昌更

崇禎八年更營制同前

崇禎九年新定營制

監標兩營 撫標兩營 大撥營 鐵騎中營 驍騎
左營 海防營 陸運營 餘營仍前

以上撫院馮公任定

崇禎十三年更定經制

撫標前營 驍騎左 撫標後營 監標右 鎮標左協中營 監標

右營 鎮標左協左營 監標左 鎮標左協右營 驍騎火 鎮 文營改

標右協中營 鎮標左 鎮標右協左營 鎮標右 餘仍舊

以上撫院朱公國棟定

石門路關堡 石門城 舊城窄小僅容居民二三十家萬曆十八年本路叅將劉承恩呈允

展修東西南三面共四百六十丈又城中無井遇急不可守萬曆二十四年叅將管一方新浚三井軍民始不苦遠

汲緩急 一片石關 去廟山 廟山口堡 去西陽 西陽口堡 去黃

無恐云 土嶺 黃土嶺 去炕兒 炕兒峪堡 去大青 大青山口關 去大

五里 大毛山口關 去董家 董家口堡 去城

黃土嶺提調官總之 五里 城子峪關 去水門 水門寺 去平頂 平頂峪堡 去板場

長峪一十五里以上俱屬大毛山提調總之 板場峪堡 去義院 義院口關 去拿

三 拿子峪堡 去花場 花場峪 去孤石 孤石峪堡 去甘泉

里 甘泉堡 去平山 營十五里以上俱屬義院口提 老嶺 原在

之外因山陡險難修邊牆後零賊每從窟窟山瞭望內地

乘虛肆掠萬曆元年戚總理修邊始于其上建立敵臺以

戒不 按薊鎮分東西中三協而東協為路者四嘉靖以

虞云 前山海石門共為一路而山海僅設守備一員暨三十六

年石門改設叅將而山海守備實屬之俱燕河副總兵所轄後嘉靖末隆慶初口屢犯山海等處始題准山海仍設叅將割一片石以東三道關寺兒峪改隸山海而屹然列為二路矣自東事起萬曆四十八年置道山海山石俱為所轄然要害相連聲勢相應二而一者也

右崇禎十三年范公志完所修山石道其燕河建昌二路增兵設官修城建堡之事無考矣

國朝更定經制

據各路開報

山海路舊轄城堡自寺兒峪起接一片石關南山墩南山崖止計地五十里

山海關 東羅城 南海口關 角山關 三道關

寺兒峪關 旱關

塞砌

邊牆 敵臺

俱同前

石門路所轄關堡東自一片石南山崖起西至甘泉堡西界接星星峪堡交界止計一百六十里

一片石 有城二里至 廟山口關 有城二里至 西陽谷堡 五里至 黃土

嶺關 有城八里至 炕兒谷關 有城二里至 大青山關 弘治年移無名口併此有

城黃土嶺提調 娃娃谷堡 小河口關歸併于此 大毛山關 有城小毛山失

守移入 董家口堡 併石門兒柳河衝二堡移此五里至 城子谷堡 嘉靖元年移西

家莊仍舊
名三里至
水關寺關
嘉靖元年移黃土
坡仍舊名五里至
平頂谷堡
以上大
毛山提

調轄十
五里至
長谷口堡
五里
板場谷堡
五里
義院口關
城最
壯鹿
拿

子谷關
十里
花場谷關
移細谷口
舊名二十五里至
孤石堡
十五
里至

甘泉谷關
十五
里至
黃土嶺營
長谷嶺營
平山營
俱義院
口提調

轄

燕河路所轄關堡西自冷口石門子口關西琵琶稍墩東

至河東關止計八十七里

星星谷堡
移堡退四十里于
潘家莊仍舊名
中桑谷堡
舊桑全谷中
二堡后置梁家

灣合為
堡有城
箭桿嶺關
界嶺口關
三十二關北
閘最為要宮
羅漢洞

堡
青山口關
城
東勝寨
乾澗峴口關
城
重谷口

關
城
臺頭營
燕河營
舊
青山駐操營

建昌路所轄關堡東自梧桐峪東尖山至太平路擦崖子

白羊峪東界止計六十九里零七十七丈六尺

梧桐峪堡
桃林口關
正水峪寨
孤窰兒寨
佛

兒峪寨
劉家口關
城
徐流口
城
河流口關
城
冷口

關
石子關
城
白道子
城
桃林營
劉家營
徐流營

建昌營
城

海防

赤洋海口營 昌黎南 牛頭崖海口營 撫寧南

新橋海口營 樂亭南 俱海濱 永樂七年因倭寇樂亭設

南海口龍武營 天啟壬戌閣部督師孫承宗設 船兵以防海沙唬遼船五十號

此四路所轄邊城自山海路南海口關起至建昌路白道

子關止延袤二百三十六里

石門路迤西至建昌路 嘉靖後改 創增修

牆臺一百伍座 山海路十二座 洪武年建 石門以東三路 嘉靖年建

墩臺一百六十九座 舊敵臺 北角山南海口各一座 嘉靖年建

空心臺三百三十五座 隆慶三年至萬曆九年 總理戚繼光創建

設兵

山海路屬

山海南海口明季原設海防三營官兵三十員名

順治三年經制官兵二百零三員名

本口分防汛守四處

老龍頭 極衝 上有望海樓一座 安設目兵五十名 西至南

海口五里

南海口 極衝 建天妃聖母行宮一座 三官行宮一座 小聖

行宮一座 設立守備一員 目兵一百名 西至秦王島三

十里

秦王島

次衝

建望海觀音殿寺一座安設把總一員目兵

二十名西至白塔嶺十里

白塔嶺

極衝

海岬建有小聖廟一座安設把總一員目兵

三十名迤西係蒲河營分防汛守

石門路屬

石門路義院口守備下明季時所轄東至大毛山西至界

嶺口扒喇嶺止共計空樓八十一座

順治三年改設墩臺十座邊牆隘口計長百里每墩安設

兵三名共兵三十名

大毛山操守下明季時所轄東至黃土嶺關交界起西至

義院口交界止共計邊六十里共計空樓七十六座

順治三年本關樓臺撥與黃土嶺關二十四座義院口關

撥給本關樓臺三十六座東至董家口七十六號臺起

西至板長峪一百七十四號臺止共計邊長八十餘里

共計樓臺九十座改設墩臺十座每墩兵三名共兵三

十名

黃土嶺操守下明季時所轄東至山海路交界起南山崖

石黃一號臺至新尖山六十二號臺止

順治二年奉文均撥大毛山下空樓二十四座至董家口八十六號臺西至大毛山交界止共計八十六座止存改設墩臺十座邊長八十餘里每墩兵三名共兵三十名

燕河路屬

燕河路明季原設叅將一員統轄界嶺極衝青山次衝守提二員內屬長邊九十七里零六十步原設墩臺共一百六十七座

順治三年兵戶二部大人詣邊挨查險隘叅將設立守備一員統轄臺頭界嶺青山三關營設立操守三員改那設墩臺共十六座每臺設墩兵三名共墩兵四十八名

建昌路屬

桃林口 明季沿邊東至梧桐峪西至白家山路長三十三里原設墩臺七十九座傳烽墩二十一處

敵臺七十九座每臺設臺總一名臺正副二名臺兵五名傳烽墩二十一處每處設墩頭一名烽軍五名

順治三年更定本口沿邊東至梧桐峪西至香油峪劉家

永平府志 卷之九
口交界止改設墩臺五座每臺設墩兵三名共兵十五名

劉家口 明季係桃林口守備所管

順治三年更定操守一員分管沿邊東至本口月城樓西至偏坡樓冷口交界路長四十二里止設墩臺七座每墩設兵三名共兵二十一名

冷口關 明季原管樓臺一百零四座每臺設立臺總一名臺正副二名臺兵五名

順治三年更定本口沿邊東至劉家口西至白羊峪交界

路長六十里止改設墩臺七座每墩設兵三名共二十一名

劉家墩海防營

灤河口 極衝要口明季時設有木樓一座值今將毀至西菲

菜溝三十五里

菲菜溝 次衝要口明季時設立土墩一座今已築存監旗至

西清河二十里

清河口 極衝要口明季時設立土墩一座今已築存監旗至

西高糜河八里

高糜河

次衛

明季時設有木樓一座值今將毀有土墩

一座今已築存監旗至西蠶沙口四十里

蠶沙口

極衝

要口明季時設立土墩一座今已築存監旗至

西望風東交界三十七里

蒲河營

本汎海口地方東自金山嘴起西至小灤河交界止共計

二百里汎長極衝海口二處洋河口蒲河口明季設有

副將一員兵三千名舊有營房倉廩基址見存次衝海

口四處沙崖口野猪口胡林河赤洋口內牛頭崖赤洋

海口明季各設坐營官一員兵各八十名駐防海口舊

有土墩六座今經年久俱各倒壞基址見存

順治新更經制蒲河口一帶設都司一員千總一員把總

二員目兵四百名按汎衝緩安設官兵修葺窩舖壘砌

砲臺督率目兵晝夜瞭望巡防各縣設有木樓十座舊

基土墩六座見今奉行各縣補修

金山嘴土臺一座金山嘴西嶺土墩一座西至戴家河

二十里聯峯寺土墩一座

戴家河木樓一座西至蒲河口四十里

洋河口西土墩一座 蕪家鐸西木樓一座

蒲河口舊修木樓一座 口南木樓一座西至沙崖口七

十里 沙崖口木樓一座 口東木樓一座西至野猪

口二十五里 野猪口補修土墩一座西至胡林河十

五里 胡林河補修土墩一座西至劉家墩三十里

邊政

山永協鎮

舊山永分協
今併為一

副將一員 協標左營中軍守備一員 協標右營守

備一員左右營千總各一員 把總各二員 兵丁

左營馬步戰守兵四百名官五員以上官兵月食俸餉

銀五百八十六兩五錢米一百二十石馬七十八匹月

食料七十石二斗草四千六百八十束 右營馬步兵

四百名官四員以上官兵月食俸餉銀五百五十四兩

四錢米一百二十石馬七十八匹料七十石二斗草四

千六百八十束

永平道標營裁今

中軍守備一員 千總一員 塘撥千總一員 兵丁

一百名以上官兵月食俸餉銀一百六十一兩四錢四

分米三十石馬二十五匹月支料二十二石草一千五

百束

永平衛裁今

守備一員 歲支俸薪蔬菜燭炭心紅紙張銀共一百

一十五兩三錢九分四厘

千總二員 每一員歲支俸薪銀六十六兩七錢六厘

百總二員 每一員歲支廩給銀三十六兩

經歷一員 每年支俸銀四十五兩裁今

山海衛

守備一員 歲俸薪蔬菜燭炭心紅紙張銀共一百一

十五兩三錢九分四厘

千總一員 歲支俸銀六十六兩七錢零六厘裁今

百總一員 歲支廩給銀三十六兩裁今

經歷一員 歲支俸銀四十五兩裁今

山海衛儒學

教授一員 歲支俸銀並齋夫喂馬草銀與府學同
訓導一員先裁今復設 歲支俸齋與府學同

山海路

都司一員 千總一員 把總一員 目兵三百名以
上官兵月食俸餉銀四百兩一錢零米九十石

山海關

守關都司一員 即山海路都司兼守關門 城守章京四員 西羅
城坐營官一員 東羅城坐營官一員 南水關 今閉

北水關 今閉

閉

北旱關

今閉

南海口

角山關

三道關

寺兒峪關邊城南北共八千五百八十三丈六尺長

明武寧王徐達建總理戚繼光增修 墩臺九座 號

臺二十七座 烽墩十四座

石門路

都司一員 千總一員 把總一員 目兵二百五十
名以上官兵月食俸餉銀三百三十七兩六錢米七十
五石 邊城東自一片石南崖起西至甘泉堡西界星
星峪堡交界共長一百六十里 一片石關 廟山口

關 西陽峪堡 黃土嶺關 坑兒峪關 大青山關

娃娃峪堡 大毛山關 董家口堡 城子峪堡

水門寺關 平頂堡 長峪口堡 板場峪堡 義院

口關 挈子峪關 花場峪堡 葦子峪堡 孤石峪

堡 甘泉峪堡

黃土嶺關 操守一員 兵五十名 墩兵三十名以

上官兵月食俸餉銀九十六兩五錢米二十四石

義院口關 守備一員 把總一員 目兵一百名

墩兵三十名以上官兵月食俸餉銀一百六十兩米三

十九石

大毛山關 操守一員 目兵五十名以上官兵月食

俸餉銀六十六兩五錢米十五石

燕河路

守備一員 把總一員 目兵一百名 墩兵四十八

名以上官兵月食俸餉銀一百九十五兩米四十四石

四斗 邊城西自冷口石門子口關西琵琶稍 墩起

東至河東關止共長八十七里

星星峪堡 中桑峪堡 箭桿嶺關 界嶺口關 羅

漢洞堡 青山口關 東勝寨 乾澗兒關 重峪口

關 附馬寨

臺頭營 操守一員 目兵五十名以上官兵月食俸

餉銀六十六兩五錢米十五石

界嶺口 操守一員 目兵五十名以上官兵月食俸

餉銀六十六兩五錢米十五石

青山口 操守一員 目兵五十名以上官兵月食俸

餉銀六十六兩五錢米十五石

建昌路

都司一員 千總一員 把總一員 目兵二百五十

名以上官兵月食俸餉銀三百三十七兩六錢米七十

五石 操馬八匹月食料七石二斗草四百八十束

邊城東自梧桐峪東尖山西至太平路擦崖子白羊峪

止共長六十九里一百五十五步

梧桐峪堡 桃林口關 正水峪寨 孤窰兒寨

佛兒峪寨 劉家口關 徐流口關 河流口關

冷口關 石門子關 白道子關 桃林營

劉家營 徐流營 建昌營

桃林口 操守一員 目兵五十名以上官兵月食俸
餉銀六十六兩五錢米十五石

劉家口 操守一員 目兵五十名以上官兵月食俸
餉銀六十六兩五錢米十五石

冷口關 操守一員 目兵五十名以上官兵月食俸
餉銀六十六兩五錢米十五石

以上邊城自山海路南海口起至中協太平路白羊峪
止共長三百六十里 牆臺一百五座 墩臺一百六
十九座 空心臺三百三十五名

附海營

蒲河營

都司一員 千總一員 把總一員 目兵四百名以

上官兵月食俸餉銀五百二十八兩米一百二十石

南海口

守備一員 把總二員 目兵二百名以上官兵月食

俸餉銀二百七十三兩五錢米六十石 操馬十五匹

月食料十三石五斗草九百束

劉家墩

守備一員 把總二員 日兵二百名以上官兵月食俸餉銀二百七十三兩五錢米六十石

軍衛

衛之有官也其典近于封建衛之有軍也其制近于府兵以封建之心而行府兵之法其於庸勲固圉之道兼得之矣承平日久令甲寢弛官有統袴之風國無蒐獮之實迄于後代而李氏名敗王離生獲往往失師律而墮家聲而至今日則七姓之裔處於華門八卿之孫降爲皂隸可哀也已郡自靖難時勲最多不能詳其功狀世系而具其姓名畧取太史公功臣表之意云

永平衛在府治南洪武四年建領中前後中左中右中前
中後左前八千戶所原額官軍六千四百名

指揮使李宏 馬敬 谷祥

指揮同知李禎 李忠 羅政 張福 李傑

指揮僉事谷成 胡斌 姚全 龐英 馬七十 陳雄

衛鎮撫王剛 李得

中所正千戶司貴 陳聚 葛興 賈長兒 汪祥 李

端

副千戶張榮 劉忠 倪旺 高鸞 周隆

所鎮撫王成 陳福

百戶賈宣 華得 戴受 李成 毛成 李信 田旺

魯勲

前所正千戶陳鑑

副千戶章永 朱貴 陳敬

所鎮撫張壹

百戶劉安 王榮 吳世美 王春

後所正千戶吳海 孫玉

副千戶張忠 鄒和 白那那海 劉廣 曹清

百戶朱真 臧文成 王寧 管受騾兒 陳京 白聚

試百戶李福 王道安

中前所副千戶蔡成 倪永清

百戶安貴 邵原善 鄭安 胡海 朱保 俞忠 姚

純 何成 姜鑾

試百戶陳華 蔡旺

中後所正千戶繆紀 李承爵

副千戶王忠 李凱 張能

百戶孫旺 楊勳 高林

中左所正千戶路彬

副千戶楊勝 趙成 馬昇

百戶郝貴 謝興 夏聰

中右所正千戶張輔 殷貴 吳本

副千戶陸阿升 潘旺 張隆 王興 武章

百戶曲清 郭得 王友 李斌 王榮 侯勝 錢大

金

試百戶蕭淮

左前所正千戶石忠

副千戶顧暹 馬庸 楊允

百戶吳興 沈均祥 丁秀 顧成 劉成 謝釗 盛

昂

試百戶陶景 杜繼宥

東勝左衛在府治東北舊屬山西行都司永樂元年移建于此領中左右前後五所原額官軍五千三百一十名今併入永平衛

指揮使王貴 李永昌

指揮同知吳海 陳得 汪銳

指揮僉事唐澤 李春 張鵬 張觀音保 譚澄 陳

隆 孟祥 雷信

衛鎮撫楊榮 曹得

左所正千戶羅源 高禿子 劉鑑

副千戶陳端 張福

百戶陸毅 黃慶 潘甫祥 陶興隆 徐賢 繆鑑

右所正千戶陸勝

副所千戶徐得 林信 金得

百戶孟添受 張林 劉福興 蕭全 閻聚 張舉

試百戶周連

中所正千戶陳貴

副千戶李祥 王海 陳凱 薛昂 蕭清 李藝 李

成

百戶杜敏 司能

前所正千戶周裕

副千戶董旺 劉鳳

百戶白恭 陳興 朱真 葛興旺 汪汝川 馬忠

張斌 出貴

後所正千戶解恭 盧俊

副千戶周山

百戶陳琦 徐福 楊三 李肅 沈福 孫方 康寧

試百戶卜羊禿 馮琦

盧龍衛在永平衛南永樂四年建領中左右前後千戶所
七百戶所原額官軍五千七百四十八名今併入永平衛
指揮使吳旺

指揮同知焦恕 宋堂 劉江

指揮僉事高葵 董興 郭昱 陳宗 袁鎮 張仁敬

張雄 李賢 尚九臯 李瑾

衛鎮撫劉昇 趙本

左所正千戶許達 楊宣 劉鑑 許壽

副千戶才任禮 楊教

百戶王衍 趙進 夏貴

試百戶廖自當

右所正千戶聶宣

副千戶王昇 孫勝 趙敏 仇興 陳義 劉景

百戶李官保 沈榮 李雄

中所正千戶呂通 李英

副千戶劉義 李真

百戶王成 賈清 盧旺

前所正千戶李海

副千戶王興 邵諒 王成 陳宗

百戶劉海 張保兒 馮僧奴

試百戶周海馬

後所正千戶李安 姜葵

副千戶任政 周成

百戶孫道 許銘 徐英 吳鐸

試百戶李三聖奴

七百戶所百戶黃善 孫禮 趙銘 李昇 陳禮

興州右屯衛在遷安縣城舊在口北大寧永樂三年移建於此領左右中前後五千戶所原額官四千五百名今併入永平衛

指揮使魏顯

指揮同知潘仲祥 許幹 朱克恭

指揮僉事陸賢 彭源 劉雲翰 張銳 梁珮

衛鎮撫程恭 何昇

左所副千戶曾敏孚 黃勝 湯清 趙睿 潘世武

百戶陸貴 危原 夏斌 郝三姐 周方 任賢 包

義 李友兒 王二姐 張友 李興 韓瑋 梅春

聶勝 陰繼勳

右所正千戶趙海 朱輔

副千戶李榮 沈名 張真

百戶劉福 張貴 吳興 孟真 靳七兒 周禮 陳

奇 殷廣 楊興 劉昇

中所正千戶燕貴 孫堂

副千戶楊忠 牛信 侯興 王貴 段先

百戶李壽 張資 韓福 孫能 楊興 閻敬 王壘

馬斌 周真 蔣虞

前所正千戶張恭 張端 張應爵

副千戶韓玉春 周鉞 曹信 劉潤

所鎮撫許興 王端

百戶常思義 國潤僧 趙宗 楊茂 王英 劉永

劉順 李福 林福敬 韓貴 黎海 高祿 全貴

後所正千戶王大重

副千戶王興 陶能 李相

所鎮撫黃貴

百戶劉忠 軒林 趙敬 丁鑑 閻實 邢宗友 周

源 滕俊 陳聚 趙智

撫寧衛在撫寧縣十里永樂三年建領左右中前後五千
戶所原額官軍四千五百名今併入山海衛

指揮使陳斌 孟永 毛紀 林良 張弘猷

指揮同知孫能 陳英 劉禧 趙銘

指揮僉事高鏞 蕭鵬 周常 吳繼璘 劉榮 曹勇

紀成 宋忠 凌海 鍾楷 夏寅 張繩武 張耀

先 魏國勳 吳世忠 陳交泰 衛鎮撫陳得

左所正千戶范庸 任俊 陳有諒 程和

副千戶王禎 傅斌 羅忠 胡琳 朱貴

百戶李懺保 郭伴兒 成原 董興 苗見兒 楊安

方敬

右所正千戶丘安 李勝

副千戶王得 湯回子 一頁錦 陳興 白玉 謝成

潘相

百戶王成輔 牛彬 陳興 陳貴 陳旺 康賢 徐

勝 龔景

試百戶尹順

中所正千戶王興

副千戶白欽 畢達 袁欽奇 韓榮 田興 蔡智

所鎮撫徐斌

百戶賈成 梁通 曹保兒 張剪 白整 康榮 李

春 王宗儒

前所正千戶王智 陳洪 侯三錫

副千戶邱得新 張能 宋虎 王成 黃忠 石玉

百戶魏廷玉 陳貴 解仕 賈興 許能 王興 于

海 張堂 晏友

後所正千戶余宣 王聚 王福

副千戶沈英 殷紀 盧旺 張全 孫成 陸永

百戶吳真 王全 趙有通 郝福 公諒 趙成 王

敬

試百戶蘓貴

六百戶所副千戶榮春

百戶蘇良 李安 譚整 劉聰 趙鑑 于鑑 高鏜

山海衛在山海關口洪武十四年建領左右中前後中左
中右中前中後山海十千戶所宣德五年調左中二千戶
所于遼東止領八千戶所

指揮使施亮 呂瑛 魏振 張俊 徐鐸 符浩 於

派 趙進 李勝 王璽 劉凱 孫貴

指揮同知石金 唐旺 郭旺 徐庸 戴良 涂奇

王福 李冕 李堂 杜鸞 王佐

指揮僉事劉得 徐敬 蕪能 林得 李哈喇勤 趙

忠 胡海 劉毅 呂昇 李忠 任洪 傅政 何隆

李璽 徐錦 周珪 張懋勛

衛鎮撫余顯

右所正千戶馮良 任弘 王魁黑赤 高英

副千戶邢二 李貴 李軍童

百戶徐成 何禮 劉興 譚忠 李源 譚貴

試百戶周才

前所正千戶趙諒 韓諒 李智中 于化 謝成 居

端 孫良

副千戶李聚 劉興 蔡義 周翱 施信 楊瓚 潘

瓚 李英

所鎮撫陳紀

百戶虞貴 郭順 王斌 徐斌 賈榮 白俊 鮑義

後所正千戶徐成

副千戶趙興 朱官兒 張智 楊雄

百戶周亮 查義 樊溫 潘旺 傅貴 高虎兒 吳

廉 徐韶

試百戶仇銘 劉順 蔣名

中左所正千戶王禮保

副千戶鍾興 孫三

百戶馬旺 潘興 陳忠 潘剛 趙銘 程銳

中右所正千戶孟受 陳聚 狄觀 薛騰 王忠

副千戶張文秀 高興 朱勝

所鎮撫汪斌

百戶楊榮 張大都驢 張雄 鄭海 吳旺 孫忠

山海所正千戶任忠

副千戶李成 張勝 孫德 解聚 杜旺

百戶陳聚 高興 賀貴 邊榮 計旺 李興

中前所正千戶洪海 李小四

副千戶王祐 徐勝 周源

百戶王海 溫泉 魏成 常順 熊彪 張信

中後所正千戶范保山

副千戶孫榮 張林兒 蔡應寅 徐端

百戶段信 李茂 張忠 劉貴 許敬 張奴兒 張

通 任得 倪成

永平府志卷之九終

永平府志卷之十

萊陽宋 琬撰次 府學訓導徐 香叅訂

蕭山張朝琮續纂 盧龍教諭胡仁濟校輯

古蹟

昔敬宗帝丘之辭李珽內黃之對咸見褒世主增重
史書輓代以還世風浸陋官皆牆面靡往哲之多聞
學鮮殖根有大人之患失黃圖赤縣猶自茫然紫塞

青陘彌同絕域况永郡山川盤互郡邑紛更薊載遼

名 唐武德六年徙遼西于幽州城中 青蒙幽號 侯希逸為平盧淄青節度使 易涪

元平府志 卷之十
名實莫辨曩今顧以水接清湍每想祛衣之狀岡留
蠹石猶傳飲羽之蹤所恨者舊不存簡編難究杜元
凱之注經多云地闕酈道元之釋水亦曰靡詳學窮
山海猶疑伯益之經書徧周秦須實獻王之事

夏

碣石 案書禹貢夾右碣石入于河傳曰碣石海畔山疏
云在右北平驪城縣西南漢書地理志右北平驪城大碣
石山在縣西南言大碣石山則必有小碣石山矣其遼西
綦縣下云有碣石水言水不言山而武帝紀注文穎曰碣

石山在遼西綦縣綦縣今罷屬臨渝始與地志之文異而
後漢郡國志兩存之引水經云在臨渝縣南又引郭璞云
或曰在右北平驪城縣海邊山也是亦謂碣石有二也史
記夏本紀索隱曰漢書地理志云碣石在右北平驪城縣
西南又太康地理志云樂浪遂城縣有碣石山長城所起
又水經註云在遼西臨渝縣南水中蓋碣石山有二此云
夾右碣石入于河當非北平之碣石是有三碣石也隋書
盧龍下云有碣石新唐書平州石城下云有臨渝關有碣
石山營州柳城下云又東有碣石山是二州各有碣石而

營州之碣石又在柳城之東也杜氏通典云盧龍縣有碣石山秦築長城所起之碣石在高麗界非此也凡此諸說人各不同常昭以爲碣石舊在河口海濱歷世旣久爲水所溢漸淪入海已去岸五百餘里而水經註云濡水又東南至參縣碣石山漢武帝嘗登之以望巨海今枕海有石如埵道數十里當山頂有大石如柱形往往而見立於巨海之中潮水大至及潮波退不動不沒世名之天橋柱今並無跡可據又考秦始皇三十二年之碣石刻銘二世元年東行到碣石並海漢武帝元封元年東巡海上至碣石

魏武帝詩東臨碣石以觀滄海後魏高宗大安三年登碣石山觀滄海大饗羣臣於山下改碣石山爲樂遊山築壇記行於海濱齊顯祖天保四年登碣石山臨滄海自秦以下登此山者凡六帝唯隋唐二史不言碣石而太宗紀則云次漢武臺刻石紀功今其碑跌臺址亦一切不存第據古老所傳以爲昌黎之仙人臺而已若史記蘇秦傳南有碣石鴈門之饒索隱以爲在常山九門則去此絕遠不得援以解夏書之碣石也

商

孤竹城 漢書令支有孤竹城魏書肥如有孤竹山祠水
經注玄水又西南逕孤竹城北西入濡水又云祠在山上
城在山側肥如縣南十二里水之會也史記正義引括地
志云孤竹古城在盧龍縣南十二里
肥如縣唐武德二年更名盧龍 今城
南已無其跡而祠在府城西北二十里灤河之左洞山之
陰夾河有孤竹君三塚豈唐之盧龍治尚在其東北耶又
案孤竹始封于此在令支黃雒之間其地儉于百里而遼
史云興中府本古孤竹國漢時爲柳城地則又在今祠東
北五百餘里幅員之廣幾方千里矣豈殷末諸侯兼并而

致之與舊志引爾雅孤竹北戶以爲孤竹是北荒之總名
蓋猶五嶺以南言旣言越本其國名後乃槩而稱之耳史
記齊世家桓公伐山戎至于孤竹而還不得言至于北荒
而還也
郭造卿曰今有土築堽垣不過千年物耳字內商周城其存者有幾哉未可信以爲孤竹之古城也

首陽山 論語註馬融曰首陽在河東蒲坂華山之北河
曲之中史記正義曰曹大家註幽通賦云夷齊餓死于首
陽山在隴西又戴延之西征記云雒陽東北首陽山有夷
齊祠今在偃師縣西北又孟子云夷齊避紂居北海之濱
首陽山說文云首陽山在遼西史傳及諸書夷齊餓于首

陽凡五所各有案據先後不詳莊子云伯夷叔齊西至岐陽見周武王伐殷曰吾聞古之士遭治世不避其任遇亂世不爲苟存今天下闇周德衰其並乎周以塗吾身也不若避之以紮吾行二子北至于首陽之山遂饑餓而死又下詩登彼西山今渭源縣首陽山在岐山西北明卽夷齊餓死處也宋白北蕃地理志曰首陽山在平州舊志言今府城東南十五里有場山一作陽山卽其地竊意二子當日之逃爲國人之將立已耳及中子旣爲君則名分已定可以無嫌子歟之反於曹季札之反于吳古之人有行之

者在二子何獨不然况西土之人皆爲讎國箕子之去又適東夷天下宗周之時舍故都其何往舊志云孤竹遠在夷陬周初隔山戎而蔽于燕燕史無通于中國中國之首陽人表爲口實而海濱孤竹無從稱之矣是後日入于夸史失表之是或一說也存之以備採

周

山戎國 春秋莊公三十年冬齊人伐山戎史記山戎越燕而伐齊齊釐公與戰于齊郊其後四十四年而山戎伐燕燕告急于齊齊桓公北伐山戎走杜預春秋註曰

山戎北狄胡三省通鑑註曰自漢北平無終白狼以北皆
大山重谷諸戎居之春秋謂之山戎郭造卿曰山戎北戎
是二種山戎種一爲無終齊伐之晉滅之北戎種二東爲
離支齊所滅西爲代晉所滅自燕東北爲遼西遼東以外
無非北戎地西北爲上谷以外無非山戎地而北戎爲尤
大故必平山戎而同許男以伐之

令支 國語桓公北伐山戎荆令支斬孤竹史記齊世家
作離支周書王會作不令支皆令支之轉也二漢遼西郡
俱有令支獨晉書地理志無之而于其末曰慕容熙以幽

州刺史鎮令支其見於載記者段氏都令支石虎伐段遼
入令支以李農爲營州牧鎮令支命段蘭卽所從鮮卑屯
令支燕餘巖據令支慕容農克令支蘭和屯令支李朗留
其子養守令支李早克令支慕容懿以令支降魏魏宿沓
干拔令支慕容拔攻克令支其地在燕之東陞故爲重鎮
入魏太平真君七年乃併于陽樂矣水經注濡水東南逕
令支縣故城舊志令支城在遷安東蓋亦近之

卑耳山 國語言齊桓公懸車束馬踰太行與辟耳之谿
枸夏韋昭註曰太行辟耳山名枸夏辟耳之谿也史記齊

世家登太行至卑耳山而還正義曰卑音壁管子桓公二
十年征孤竹未至卑耳之谿十里案國語史記皆云西伐
而管子則云征孤竹或曰燕北一帶之山皆名太行故舊
志載之孤竹之境又案水經注清夷水西南得桓公泉桓
公北伐山戎過孤竹西征束馬懸車上卑耳之西極故水
受斯名也則卑耳在上谷之沮陽二說不同今姑仍舊志
入之山川條下

上谷沮陽在
今延慶州境

秦

長城 長城始于燕時歷代築之非一史記燕築長城自

造陽至襄平置上谷漁陽右北平遼西遼東郡以拒胡秦
始皇帝使蒙恬築長城起臨洮至遼東萬餘里正義引括
地志長城首起岷州西十二里東入遼水齊顯祖天保六
年發民一百八十萬築長城自幽州夏口西至恒州九百
餘里七年自西河總秦戍築長城東至于海後主天統元
年自庫堆戍東距于海隨山屈曲二千餘里斬山築城置
立戍邏五十餘所周宣帝大象元年發山東諸民修長城
立亭障西自鴈門東至碣石隋文帝開皇六年二月發丁
男十一萬修築長城七年二月發丁男十萬餘修築長城

永平府志 卷之十一
長城之見于史者如此今人言長城必曰秦時築考之晉
太康地理志長城起樂浪之碣石山魏書長孫陳傳爲羽
林郎征和龍賊自西門出將犯外國陳擊退之追至長城
下是長城在龍城之外而通典亦言薊州北至廢長城塞
二百三十五里然則今山海關之長城乃徐魏公所修之
城非古之長城也一統志秦長城在府北七十里誤
扶蘇泉 遼史地理志灤州有扶蘇泉甚甘美秦太子扶
蘇北築長城嘗駐此郭造卿疑以爲狐蘇之誤漢遼西郡
有狐蘇縣

漢

右北平郡 漢右北平郡治平剛後漢治上垠水經注魏

氏土地記曰薊城東北三百里有右北平城薊城今 京

師也括地志漁陽郡東南七十里右北平城案當在今

薊州玉田界此後漢之右北平也若平剛則在盧龍塞之

東北三四百里此前漢之右北平而李廣之所守也舊志

云今府城南有李將軍射虎石周諺水經註言此石在玉

田無終之間是亦以後漢之右北平爲李廣所治與東越

青陘之說自相矛盾著書之難如此又何恠乎後之傳譌

者邪

平剛縣 三國志田疇傳舊北平郡治在平岡道出盧龍
達于柳城自建武以來陷壞斷絕垂二百載而尚有微徑
可從魏太祖紀上徐無山出盧龍歷平岡登白狼堆去柳
城二百餘里水經註盧龍東越青陁至凡城二百許里自
凡城東北出趨平罡故城可百八十里向黃龍則五百里
是平剛在盧龍之東北四百里矣晉書成帝紀咸康四年
二月石虎帥衆七萬擊段遼于遼西遼奔于平岡慕容皝
載記遣揚威將軍淑虞攻烏丸悉羅侯于平岡其字本作

剛一作岡又作崗亦作峒又作罡

石城縣 漢右北平郡之縣十六其三曰石城後漢無之

蓋光武所併省也至燕分置石城郡考之通鑑及晉載記
得二事慕容寶宿廣都黃榆谷清河王會勒兵攻寶寶帥
輕騎馳二百里晡時至龍城會遣騎追至石城不及是廣
都去龍城二百里而石城在其中間也慕容熙敗于北原
石城令高和與尚方兵於後作亂註云高和本爲石城令
時以大喪會于龍城是石城去龍城不遠也魏書地形志
廣輿下云有鷄鳴山石城大柳城此卽漢之石城矣魏太

平真君八年置建德郡治白狼城領縣三其一曰石城有白鹿山祠其二曰廣都水經註石城川水出西南石城山東流逕石城縣故城南北屈逕白鹿山西卽白狼山也又東北入廣成縣東廣成卽廣都城燕之石城在廣都之東北而此在廣都之西南是魏之石城非燕之石城矣隋書始無石城云北齊廢之而唐書平州石城下云本臨渝武德七年省貞觀十五年復置萬歲通天二年更名有臨渝關有大海有碣石山是武后所更名之石城又非魏之石城矣遼史灤州統縣三其三曰石城下云唐貞觀中於此

置臨渝縣萬歲通天元年改石城縣在灤州南三十里唐儀鳳石刻在焉今縣又在其南五十里遼徙置以就鹽官是遼之石城又非唐之石城矣今之開平中屯衛自永樂三年徙于石城廢縣在灤州西九十里乃遼之石城而一統志以爲漢舊縣何其謬與

土垠縣 後漢爲右北平郡治耿弇傳光武遣弇與吳漢等十三將軍追賊至潞東及平谷再戰斬首萬三千餘級遂窮追于右北平無終土垠之間至浚靡而還註云土垠故城在今平州西南案水經註巨梁水出土垠縣北陳宮

山陳宮山在今豐潤縣北七十里則土垠當在今豐潤境
內唐時未立豐潤故註云平州西南耳一統志乃云在府
城西南則沿此註而失之也

灤志謂今豐潤東十里
垠城鋪即古土垠城

遼西郡 漢治且慮後漢晉治陽樂魏治肥如北齊省入
肥如杜佑曰漢遼西郡故城在盧龍城東至隋改置遼西
郡于營州之境汝羅故城唐武德六年又徙于幽州城中
則皆非本境矣

肥如縣 漢書註應劭曰晉滅肥肥子奔燕燕封于此漢
初爲侯國史記功臣表肥如侯蔡寅是也傳三世至孝景

元年侯奴薨亾後而肥如改爲縣荆燕世家肥如令郢人
是也是時肥如雖爲縣而屬于燕故燕王得以殺肥如令
及武帝析藩國置緣邊諸郡而肥如自此定屬于遼西矣
見于史者後漢書和帝紀永元九年秋八月鮮卑寇肥如
劉虞傳前中山相張純等衆十餘萬屯肥如晉書載記帝
遣幽州諸軍討慕容廆戰于肥如慕容廆大城肥如以尚
書劉木爲鎮南大將軍冀州刺史鎮肥如地理志高雲以
幽冀二州牧鎮肥如魏書馮弘傳黜世子崇令鎮肥如肅
宗紀城平州所治肥如韋懷太子註云故城在今平州而

漢書言有玄水濡水盧水魏書言有孤竹山祠令支城黃山濡河水經注言肥如縣南十二里水之會也則在今盧龍之境無疑矣燕慕容垂世子令說其父守肥如之險以自保胡三省註以爲卽盧龍之塞蓋今沿邊一帶大山長嶺古時亦屬之肥如也與

海陽縣 漢初爲侯國史記功臣表海陽侯搖毋餘是也傳四世至孝景四年侯省薨亾後而海陽改爲縣漢書言有龍鮮水封大水緩虛水皆南入海有鹽官魏書有橫山新婦山清水北齊省入肥如水經註魏氏土地記曰令支

城南六十里有海陽城遼史隰州平海軍海陽縣本漢縣地多鹹鹵置鹽場于此大抵海陽之境北距肥如令支而

南際于海今灤州之東偏及樂亭地也

一統志在府城南三十里乃勦遼史

望都條下之文而不知漢之海陽其治已無可考也

陽樂縣 後漢爲遼西郡治晉愍帝建興元年慕容翰攻段氏取徒河新城至陽樂魏書有武歷山覆舟山林榆山太真山山名轉易多不可考但言太平真君八年併令支屬于此而章懷太子云陽樂在今平州東則知不出盧龍之境撫寧志乃云陽樂城在西關外無據

新安平縣 漢遼西郡之縣後漢省今不詳所在但據漢書云夷水東入塞外水經注云新河自板渠東出合封大水謂之交流合水出新平縣西南流逕新平縣故城西又東南流龍鮮水注之合而東流注封大水亂流南會新河南流于海其曰新平卽漢之新安平中脫一字耳詳其水道則知其縣必在海陽肥如之間也

臨渝縣 漢書有渝水侯水後漢志有碣石山晉無此縣而通鑑載褚匡說馮跋曰章武郡臨海舟楫可通出於遼西臨渝不爲難也水經注渝水西南巡山逕一故城以爲

河連城疑是臨渝縣之故城渝水南流東屈與一水會世名之曰櫨倫水通鑑櫨盧城下註引此大約在今撫寧之東其城不可考矣

黎縣 漢書下官水南入海又有揭石水賓水皆南入官文穎曰碣石在遼西黎縣黎縣今罷屬臨渝水經注濡水又東南至黎縣碣石山似在今昌黎撫寧之境而一統志以爲今義州衛未詳何據

交黎縣

見下

柳城縣

史言慕容皝以柳城之北龍山之西福德之地

乃營立宗廟宮闕命曰龍城一統志柳城在永平府西二
十里龍山在府西四十里永平府舊志柳城在昌黎縣西
南六十里漢末爲烏桓所據曹操滅之歷魏晉爲慕容氏
父子所據隋置縣屬遼西郡唐置營州元省入昌黎爲靜
安社二說不同今府西二十里全無遺跡而靜安社則嘉
靖三十一年立爲堡然皆非柳城之舊也案唐書營州柳
城郡下云城西四百八十里有渝關守捉城又云西北接
奚北接契丹通典營州柳城郡下云東至遼河四百八十
里南至海二百六十里西至北平郡七百里北至契丹

五十里東南到安東府二百七十里西南到北平郡七百
里西北到契丹界七十里東北到契丹界九十里而平州
北平郡下云東至柳城郡七百里西至漁陽郡三百里東
北到柳城郡七百里是柳城在今永平之東北七百里而
慕容氏之龍城昌黎及魏以後之營州並在其地唐萬歲
通天元年爲契丹所陷聖曆二年僞治漁陽開元五年又
還治柳城而今之昌黎乃金之廣寧縣大定二十九年改
爲昌黎名同而地異也又案三國志魏武帝用田疇之言
上徐無山塹山堙谷五百餘里經白檀歷平岡涉鮮卑庭

東指柳城徐無山在今玉田則柳城在玉田之東北數百里也北齊書顯祖伐契丹以十月丁酉至平州從西道趨長塹辛丑至白狼城壬寅至昌黎城是昌黎在平州之東北齊主之行急猶五日而後至也隋書漢王諒伐高麗軍出臨渝關至柳城唐書太宗伐高麗還以十月丙午次營州詔遼東戰亡士卒骸骨並集柳城東南命有司設太牢上自作文以祭之丙辰皇太子迎謁于臨渝關關在今撫寧之東則柳城又在其東太宗之行遲故十日而後至也又案遼史興中府古孤竹國漢柳城縣地慕容皝以柳城

之北龍山之南福德之地乃築龍城構宮廟改柳城爲龍城縣而遷都之號曰和龍宮魏爲遼西郡隋置營州煬帝改柳城郡唐武德初改營州總管府尋爲都督府萬歲通天元年陷李萬榮神龍初徙府幽州開元四年復治柳城八年徙漁陽十年還柳城後爲奚所據太祖平奚及俘燕民將建城命韓知方擇其處乃完葺柳城號霸州彰武軍節度重熙十年升興中府統州二縣四其一曰興中縣本漢柳城縣地太祖掠漢民居此置霸城縣重熙中置府更名此文述柳城之故頗爲詳備元世祖至元七年十月已

丑降與中府爲州以地圖案之當在今前屯衛之北但唐書平州下云又有柳城軍永泰元年置蓋唐時柳城之地屢被陷沒移徙無常此其在平州者或卽今之靜安社未可知然不可以永泰元年之柳城爲古之柳城也且一統志于柳城廢縣旣云在府城西二十里矣而于土產則云人參麝香豹尾俱廢柳城縣出今府西二十里乃灤河之西洞山之南沙土之地其能出此三物乎案唐書營州柳城郡貢人獲麝香豹尾皮骨髓志本引之而不知府西二十里之誤也

後漢

盧龍塞 三國志魏太祖紀建安十二年北征烏桓至無終大水傍海道不通田疇請爲鄉導公從之引軍出盧龍塞塞外道絕不通乃塹山堙谷五百餘里至白狼山田疇傳隨軍次無終時方夏雨水而濱海滲下渟滯不通虜亦遮守蹊要軍不得進太祖患之以問疇疇曰此道夏秋每常有水淺不通車馬深不載舟船爲難久矣舊北平郡治在平岡道出盧龍達於柳城自建武以來陷壞斷絕垂二百載而尚有微徑可從今虜將以大軍當由無終不得進

而退懈弛無備若嘿回軍從盧龍口越白檀之險出空虛之地路近而便掩其不備蹋頰之首可不戰而禽也太祖曰善乃引軍還而署大木表於水側路傍曰方今暑夏道路不通且俟秋冬乃復進軍虜候騎見之誠以爲大軍去也太祖令疇將其衆爲鄉導上徐無山出盧龍歷平岡登白狼堆去柳城二百餘里虜乃驚覺單于身自臨陣太祖與交戰遂大斬獲逐北至柳城通鑑晉穆帝永和五年趙王虎卒國內大亂慕容霸上書于燕王雋請伐趙雋曰鄴中雖亂鄧恒據樂安兵精糧足今若伐趙東道不可由也

當由盧龍盧龍山徑險狹虜乘高斷要首尾爲患將若之何霸曰恒雖欲爲石氏拒守其將士顧家人懷歸志若大軍臨之自然瓦解臣請爲殿下前驅東出徒河潛趨令支出其不意彼必震駭上不過閉門自守下不免棄城逃潰然則殿下可以安步而前無留難矣雋從之六年二月雋遣霸將兵二萬自東道出徒河慕容于自西道出蠡螭塞雋自中道出盧龍塞以伐趙命慕容廆瑅山通道又孝武帝太元二十一年燕清河王會使征南將軍庫儔官偉建威將軍餘崇將兵五千爲前鋒偉等頓盧龍近百日魏書

常景傳杜雒周反於燕州以景兼尚書爲行臺與幽州都督平北將軍元譚禦之景表求勒幽州諸縣悉入古城山路有通賊之處權發兵夫隨宜置戍以爲防遏肅宗從之別勅譚西至軍都關北從盧龍塞據此二嶮以杜賊出入之路又詔景山中嶮路之處悉令捍塞隋書陰壽傳開皇初高寶寧引突厥攻圍北平令壽率步騎數萬出盧龍塞以討之已上諸史所載盧龍之事頗詳魏書新昌有盧龍山水經注濡水又東南逕盧龍塞塞道自無終東出渡濡水向林蘭陁東至青陁盧龍之險峻坂縈折故有九崢之

名矣燕景昭元璽二年遣將軍步渾治盧龍道焚山刊石令通方軌刻石嶺上以紀事功杜氏通典盧龍塞在今平州城西北二百里張行人舊志云在今府城南一里誤矣盧龍城 水經注濡水又東南逕盧龍故城東漢建安十二年魏武征蹋頓所築也

蹋頓城 晉書載記石虎謀伐昌黎遣曹伏將青州之衆渡海戍蹋頓城無水而還隋煬帝征高麗其右第七軍出蹋頓道

樂安城 晉書載記石虎將伐慕容皝具船萬艘自河通海運穀豆千一百萬斛于安樂城通鑑作樂安水經注濡水東南過遼西海陽縣又經牧城南分爲二水北水謂之小濡水東逕樂安亭北東南入海濡水東南流逕樂安亭南東與新河故瀆合魏太祖征蹋頓所導也在今樂亭縣境

三陁 通鑑晉穆帝永和六年慕容霸軍至三陁魏征東將軍鄧恒惺怖焚倉庫棄樂安遁去註魏收地形志海陽縣有橫山蓋卽三陁之地

盧溥鎮 晉書地理志自幽州至於盧溥鎮以南地入于魏案魏書太祖紀范陽人盧溥聚衆海濱殺幽州刺史封沓干此蓋卽其所據之地以名鎮而燕之幽州乃令支也
螭螭塞 晉書載記慕容皝率騎二萬出螭螭塞長驅至于劄城通鑑晉孝武太元十年燕王垂遣慕容農出螭螭塞歷凡城趨龍城討餘巖

昌黎郡 案昌黎有五漢書遼西郡之縣其八曰昌黎淪水首受塞外南入海東部都尉治應劭曰今昌黎後漢志作昌遼或黎字之訛也通鑑註昌黎漢交黎縣屬遼西郡

後漢屬遼東屬國都尉魏齊王正始五年鮮卑內附復置
 遼東屬國立昌黎縣以居之後立昌黎郡晉書武帝紀太
 康二年慕容廆寇昌黎二年安北將軍嚴詢敗慕容廆于
 昌黎成帝咸康二年慕容皝自昌黎東踐冰而進凡三百
 餘里至歷林口是則在渝水下流而當海口此一昌黎也
 晉書載記慕容皝徙昌黎郡又云破宇文歸之衆徙其部
 人五萬餘落于昌黎及慕容盛之世有昌黎尹張順劉忠
 高雲以馮素弗爲昌黎尹馮跋之世有昌黎尹孫伯仁以
 史考之當去龍城不遠此又一昌黎也魏併柳城昌黎棘

城于龍城而立昌黎郡志云有堯祠榆頭城狼水而列傳
 如韓麒麟韓秀谷渾孫紹之倫皆昌黎人卽燕之舊都龍
 城此又一昌黎也齊以後昌黎之名廢至唐太宗貞觀三
 年更崇州爲北黎州治營州之東北廢陽師鎮八年復爲
 崇州置昌黎縣後淪于奚遼史建州永康縣本唐昌黎縣
 地此又一昌黎也遼太祖以定州俘戶置營州鄰海軍其
 縣一曰廣寧

郭造卿曰此與霸州彰武軍異地而史失詳別兩引其語皆柳城焉

金世宗大

定二十九年改爲昌黎相沿以至于今此又一昌黎也舊
 志辨昌黎有二而不知其有五今序而列之論古者可以

無惑焉

營丘郡 晉書慕容廆立郡以統流人以青州人為營丘

郡至魏罷營丘郡魏復置營丘郡水經注淪水又東逕營

丘城西

魏

平州 平州之見于書者有三有地名有國名有州名左

傳宣公元年會于平州以定公位地名也史記朝鮮傳封

王啖為平州侯功臣表又有平州侯昭涉掉尾國名也其

州名亦有三有漢末平州有晉平州有後魏平州漢末公

孫度自號平州牧及其子康康子淵並據遼東此漢末之

平州也 平州本取遼東襄平為名 魏分遼東昌黎玄菟帶方樂浪五郡

為平州後還合為幽州晉武帝咸寧二年十月分昌黎遼

東玄菟帶方樂浪等郡國五置平州治昌黎 當即漢之交黎 此晉

之平州也至後魏平州乃治肥如而自齊以下因之遼史

引公孫度之平州于此則誤矣

朝鮮縣 漢晉屬樂浪延和元年徙朝鮮民于肥如置此

縣齊省入新昌

新昌縣 後漢晉屬遼東魏置此隋開皇六年省肥如入

新昌十八年改名盧龍

黃山 魏書肥如有黃山高宗紀太安三年十月詔太宰常英起行宮于遼西黃山四年正月巡平州庚午至遼西黃山宮常英傳夢日墜其所居黃山下水中

隋

淪關 隋書高祖紀開皇三年三月癸亥城榆關賀婁子幹傳授榆關總管十鎮諸軍事高麗傳漢王諒師出臨淪關關本以淪水名而史文或作榆一書之中兩字互見唐書地理志石城有臨淪關一名臨閭關又云營州城西四

百八十里有淪關守捉城高麗傳帝總飛騎入臨淪關郭英傑傳帥萬騎及奚衆屯榆關賈循傳爲榆關守捉使契丹傳許欽澹徙軍入臨淪關奚傳魯蘇不能制奔榆關李忠臣傳襲榆關通鑑後梁均王乾化三年初幽州北七百里淪關下有淪水通海自關東北循海有道道狹處纔數尺旁皆亂山高峻不可越北至進牛口舊置八防禦軍募土兵守之田租皆供軍食不入於薊幽州歲致繒纊以供戰士衣每歲早獲清野堅壁以待契丹契丹至輒閉壁不戰俟其去選驍勇據隘邀之契丹常失利走土兵皆自

爲田園力戰有功則賜勳加賞由是契丹不敢輕入寇及周德威爲盧龍節度使恃勇不修邊備遂失渝關之險契丹每芻牧於營平之間通典渝關在平州盧龍縣東一百八十里宋白曰渝關關城下有渝水入大海其關東臨海北有兔耳山覆舟山山皆斗峻山下循海岸東北行狹處纔通一軌三面皆海北連陸關西亂山至進牛柵凡六口柵戍相接此天所以限戎狄也一統志榆關在今撫寧縣東二十里又東二十里有榆關馬驛關之遺址久廢不可考或云徐武寧移之山海非也

臨渝宮 隋書地理志盧龍有臨渝宮煬帝紀大業十年三月癸亥次臨渝宮

臨渝鎮 隋書突厥傳營州刺史高寶寧作亂沙鉢略與之合軍攻陷臨渝鎮

唐

石城縣

見上

馬城縣 唐書地理志古海陽城也開元二十八年置以通水運遠史地理志在灤州西南四十里舊志城周千四百四十四步高丈五尺門五

千金冶城 唐書地理志馬城縣東北有千金冶城舊志在馬城廢縣北有城州志古城在州西七里孩古社蓋石沙可炒鐵今尚有遺石立水中

茂鄉鎮城 在灤州千金冶東

漢武臺 唐書太宗紀貞觀十九年九月戊午次漢武臺

刻石紀功

西碛石 東碛石 唐書地理志有西碛石東碛石二戊

契丹傳左鷹揚衛將軍曹仁師等戰西碛石黃巖谷敗績

武后更詔夏官尚書王孝傑等討契丹戰東碛石師敗孝

傑死之

遼

海濱縣 遼史地理志潤州海陽軍統縣一曰海濱本漢

陽樂縣地金人封天祚為海濱侯北蕃地里書潤州在盧

龍塞東北西至渝關四十里南至海三十里舊志在山海

關東一百二十步洪武中于其地置東門遞運所今移所

于關內

遷民縣 遼史地理志遷州興善軍統縣一曰遷民本漢

陽樂縣地金廢為鎮元史文宗紀八月丁酉發中衛兵守

遷民鎮庚子發宗仁衛兵增守遷民鎮庚戌發平灤民墾
遷民鎮九月上都諸王也先帖木兒平章禿滿迭兒自遼
東以兵入遷民鎮北蕃地里書遷州在臨渝關東五十里
西至潤州四十里南至海二十里相傳以爲今之山海關
安喜縣 遼史地理志本漢令支縣地久廢太祖以定州
安喜縣俘戶置在平州東北六十里金大定中改名遷安
遷安志在縣東北二十里

望都縣 遼史地理志本漢海陽縣久廢太祖以定州望
都縣俘戶置有海陽山在平州南三十里金史本漢海陽

故城大定七年更名海山縣

今樂亭有望都鎮去府城
里與遼史不符

義豐縣 遼史地理志本黃雒故城黃雒水北出盧龍山
南流入於濡水世宗置縣金元二史並同乃灤州倚郭之
縣當是洪武中併入州

松亭關 遼史地理志澤州有松亭關宋史劉敞傳奉使
契丹素習知山川道徑契丹導之行自古北口至柳河回
屈殆千里敞質譯人曰自松亭趨柳河甚徑且易不數日
可抵中京何爲故道此譯相顧駭媿闕詢傳使契丹詢頗
諳北方疆理時契丹主在靴淀迂者導詢繇松亭往詢曰

此松亭路也胡不徑葱嶺而迂枉若是金史地理志松亭

關國名斜烈只誤入灤州下宗敘傳出松亭關取牛遞于廣寧

捷懶傳習古迺婆盧火護送常勝軍及燕京豪族工匠自

松亭關入內地通鑑註引金鹵節要景州今遵化之東北乃

松亭關今之喜峰口是也

栗林 金史張覺傳左企弓等赴廣寧過平州覺使人殺

之于栗林下遼史言殺之灤河西岸

兔耳山 金史張覺傳敗闍母兵于兔耳山案五代史渝

關北有兔耳山今撫寧縣西有兔耳山

箭筈嶺 遼史太祖紀天禧二年三月戊寅軍于箭筈山

討叛奚胡損獲之射以鬼箭奚回鹘保傳金兵自居庸關

入回鹘保知北院即箭筈山自立號奚國皇帝地理志遷

州有箭筈山統縣一日遷民舊志云箭筈山今石門寨北

茶盆諸山也

金

長春宮 長春淀 金史石城縣有長春行宮長春淀舊

名大定淀大定二十年更灤州志長春淀在州西南百二

十里廢石城縣但以爲遼蕭太后所建則非也遼之長春

宮在長春州不在此舊志州城東八里有濯清亭在灤河西岸東南三十里有丹陽宮皆金所置歷年行幸見世紀

榛子嶺 金史獨吉義傳世宗次榛子嶺聞海陵死于軍中謂義曰信如卿所料今榛子鎮

灤河縣 遼置與神山並屬澤州金廢州留神山以屬大定府而灤河縣並廢承安置惠州升孩兒館為灤陽縣以隸之至泰和罷元復惠州無屬縣而置灤陽治焉舊志云張行人舊志遷安縣西北百六十里元時立縣隸大寧路國朝廢縣為營備禦官民居焉今人知營非故治指北坨

垣為故縣亦非也蓋遼縣在今灤陽營金灤陽縣在今漢兒莊遼人以南人為漢兒而設南面官有漢兒司及漢兒行宮都部署故館謂漢兒其官及民居之地也地之山川環抱音秀至今父老言古漢兒城焉蓋金史轉語以漢為孩耳升館為縣隔二十里非復故名殊也元之立治屬檀景都提舉司即遼之陷河採煉而屬澤州者今因建營以名猶三屯驛曰灤陽永平驛曰灤河皆非故縣地也蓋山南曰陽水南曰陰山北曰陰水北曰陽漢莊在河北入灤故金以名縣焉遼之名河為縣今之名陽為驛者皆重山與

永平府志 卷之十
灤隔其名與實違也惟永平驛臨漆漢莊驛臨澈而皆灤
之支總以灤名焉乃信父老言不誣爲別遼金縣殊及元
復縣無考今之爲營者治也

元

永平屯田總管府 元史兵志世祖至元二十四年八月
以北京採取材木百姓三千餘戶於灤州立屯設官署以
領其事爲戶三千二百九十爲田一萬一千六百一十四
頃四十九畝

大寧路海陽等處打捕屯田所 元史兵志世祖至元二

十三年以大寧遼陽平灤諸路拘刷漏籍放良孛蘭奚人
戶及僧道之還俗者立屯於瑞州之西瀕海荒地開耕設
打捕屯田總管府成宗大德四年罷之止立打捕屯田所
爲戶元撥并召募共一百二十二爲田二百三十頃五十
畝
其不見於史傳而今有其蹟者

遷安縣北二十里爲龍紀城周二十四步北四十里爲楊
買驢城周五百步並云金蕭太后所築舊志云遼后世蕭
氏有宮衛兵平州既有提轄司其安喜以北交于澤州之

灤河多中京宮衛地此或其宮帳軍耳金后多徒單諸氏
不如遼有宮衛妃有蕭氏而后無之

縣東三十里山巔有土城曰萬軍城周三百餘步中有將
臺遺址世傳唐太宗征高麗駐軍于此舊志云今名爲帳
房山或指爲軍所宿非也蓋遼國之法天子踐位置宮衛
分州縣析部族設官府籍帳戶備兵馬崩則扈從后妃宮
帳以奉陵寢有調發則丁壯從戎事老弱居守國此特其
軍府之帳臺所謂平州提轄司也

撫寧縣城東南爲五花城連環五座十五里爲洋河城方
圓六里並云唐太宗東征所築舊志云太宗將征遼太常
丞鄧素使高麗還請于懷遠鎮增戍以逼之帝不從惟命
北輸粟營州多儲古大人城耳自發雒陽春蔬亦不進懼
其擾民但明斥堠不墜壘雖逼鹵城終不敢出鈔而士運
糧單騎野宿如中國焉安得築城于此其洋河城或隋之
瀘河鎮未可知也

縣西南五十里爲山西城

昌黎縣西五十里爲靜安社城舊志云其城見存周二里
高一丈八尺方輿勝覽燕慕容氏之福地也今龍山正在

靜安西北一統志柳城廢縣在府城南六十里漢末烏桓所據曹操滅之歷魏晉爲慕容氏父子所據隋置縣屬遼西郡唐置營州今爲靜安社異哉陋乎無論不考古與書典異卽熙苑廣十里陵周數里大城肥如及宿軍擬鄴爲門累級三層景雲山峰高十七丈豈安此三里城丈有咫而已乎雖馮通焚其宮殿而魏因其城爲營州治至唐不改曷削至茲哉自盧龍名塞山名龍多矣彼之龍城在山西此山在西北則城東南也兩龍其無別乎慕容業霸規摹頗弘孰而如此其何以興黜而如此其何以亾謂之靜

安社者然與葢今之昌黎乃遼之廣寧猶今之盧龍乃魏之新昌必求其故則可坐而辨也

灤州南四十里爲李家莊城今爲李家莊社五十里爲栢家莊城今爲淳風屯九十里爲獨莫城今爲社二里地西南六十里爲倂城今倂城社西百二十里爲稻地土城今長春社地西南百二十里爲唐山土城今橋頭社地舊志云此皆樂安諸城趙石虎使典農中郎將王典帥衆萬餘屯田海濱以謀擊燕者元立永平屯田總管府于馬城縣其昌國濟民豐贍三署諸屯城也

其以島名曰秦皇在撫寧縣東三十里四面皆水唯島居
中世傳秦始皇求仙駐蹕于此無可考

其以墳名曰姜女在山海關東南海中其上有姜女祠世
傳女爲許姓居長故稱孟姜陝西同官人其夫爲范郎秦
築長城郎操版至遼東不歸女製衣親送至此聞夫亾哭
而死土人于高阜祀之名曰望夫石石上有亂杵跡夫秦
無稱陝亦無稱郎者當是勦齊祀梁妻崩城之事而附益
其說不知其所謂長城者乃秦山下之長城非遼東之長
城也

其以圻名曰溫溝曰白望曰常寧

其以坨名曰雙雁在灤州南二十里成化中瘞二雁而名
之曰謊糧在州南五十里世傳唐太宗爲此以誑高麗州
境及遷安豐潤以此名者甚多又通州有虛糧臺十餘座
云前代對敵乏糧虛設以張聲勢州志云其處不一有六
十餘座舊志疑以爲石虎伐燕時事太宗渡遼水征高麗
夸人豈敢至此而安用此爲哉州西南八十里司家莊社
北集西有項家坨長三四里產酸棗野葡萄荆棘其南瀦
水數畝通任家港南流有古塚數十昔耕塌出火內有盛

甲鎗端俱銅鐵鑄金鍍相傳爲王者墓掘之風沙迷目復
填之莫敢動樂亭海坨有二日月坨形如半月縣西南隔
綠洋溝入海四十里許地數十頃在巨浸如負嶠雖無奇
峰惟石草木繁殖雉兔充斥木合居民射獵泮則掉艇樵
採曰十九坨大數十頃居室礮確遺址尚在鳥獸草木與
月坨同人傳爲漕運時店市民居也舊志灤人以平坡而
蓄水者爲坨

其以臺名曰釣魚在府南三十里有石磯曰仙人在昌黎

縣北

並見山川

曰望海在盧龍縣今不可考曰擂鼓在灤州西

百里松梁社志引冊府元龜唐太宗貞觀十九年十月征
遼次漢武臺餘基三成旁有祠至營城帝問侍臣對曰此
漢武求仙之處其地臨大海多峻石險恠後人借此擂鼓
禦敵因號爲營城擂鼓臺云是亦謊糧之類也州志有將
臺在城西八十五里康莊屯高丈五尺廣八尺長二十步
不知何時築下有黃崖河或云卽料馬臺又如豐潤有望
馬臺通州有將臺三皆不詳爲何代矣

其以石名曰虎頭在府南五里南山之麓若虎踞狀史記
云李廣爲右北平太守獵歸見草中石以爲虎援引射之

元平府志 卷之十
飲矢沒羽次日尋之石也拔矢再射不能入土人立祠祀之今祠廢山下有石碣曰黑石在府西北十五里近遷安縣界從地突兀而出昔人琢黑石二字于上康熙十一年盧龍令魏師段更鐫龍吟虎嘯又鐫南宮頰首曰試劍在遷安縣東三十里三跳澗旁世傳唐太宗東征躍馬過澗試劍于石以示勇遺蹟尚存

丘墓

昔之爲志者旣存都邑之圖復標陵墓之記不特以繫國人九原之思亦所以全死士之壟不傷於異代也以觀茲郡何其寥寥也與一統志所書有三其曰赤峰嶺及道南烽火山有公孫神康墓則不知公孫氏之平州非唐平州也其曰昌黎縣西五里唐韓愈高祖以上之墓地則不知韓氏之先昌黎非今昌黎也其可信者惟孤竹君三冢而已蓋此地之在古墓而不墳者多矣况洊經兵火之後乎故所載皆近代

之墓其人能自樹以傳其名則亦無論古今可也

盧龍縣

孤竹君三冢長君冢在雙子山次君冢在團子山少君

冢在馬鞭山傳曰國人立其中子蓋次君也按此為孤竹先代之

冢豈必次君為中子哉若是則長少二君即夷齊之墓矣于義未允闕之又按團子山今屬遷安縣境

明

王侍郎珮墓在城東南四里蓮花源勅墓

李布政克濁墓在北門外三里莊

廖御史自顯墓在城南五里

韓御史應庚墓在城南二十里釣臺之北

朱知府鑑墓在城西北十里八家寨

白尚書瑜墓在城東五十里蘆峰口

韓僉事原善墓在城西七十里九百戶堡

陳太僕王庭墓在城東北三里

盧都督天福墓在城東北三里

崔隱士赴闈墓在城西北三里崔家莊

國朝

孟忠毅喬芳墓在城東十里紅坡勅墓

蔡襄敏士英墓在城南十里虎頭石南勅葬
楊工部文魁墓在城南十里小嶺

胡太常來相墓在城北七十里建昌營

郎總督廷佐墓在城北四十里土山

蔡將軍毓榮墓在城南十三里邵家峪

汪進士淑問墓在城西南七十里宜安莊西

遷安縣

明

王都御史銳墓在縣東三里河濱勅葬

才襄愍寬墓在縣東三里河濱勅葬

趙昌寧侯勝墓在縣西北七十里黑汀勅葬

郭御史鏞墓在縣南二里王家園

李按察金墓在縣東五里李家莊北

王御史和墓在縣東三里河濱

李太僕炫墓在縣北二里

李副使安仁墓在縣北十八里龍紀莊

彭都督友德墓在縣城東北百步

徐光祿雲達墓在縣西北三十里大安山

郭侍郎鞏墓在縣南十里灤河濱

國朝

劉封君光裕墓在縣東十五里牛山西

劉都御史鴻儒墓在縣西北七十里牟家莊

崔學博魏墓在縣東十八里畫兒山子翰林璨附

撫寧縣

舊志有張果老墓在縣東南七十里無徵不錄

明

魯僉事鐸墓在縣西北七里鐸山陽

翟尙書鵬墓在縣南關外勅葬

蕭都督陞墓在縣東關外勅葬

王封君忱墓在縣西五里

烈女趙氏墓在縣東北一片石

國朝

惠總兵應詔墓在縣東八里

烈女平氏墓在秦皇島

昌黎縣

舊志有韓湘墓蛇皮王墓謬妄不錄

明

張尙書文質墓在縣南六十里勅葬

杜侍郎謙墓在縣西北三里勅葬

齊運同宗堯墓在縣西三十里柳河北

齊知州鳴鳳墓在縣東二十里張各莊

齊知縣鳴雷墓在縣南六十里石各莊子同知士斌附

國朝

張知府翰宸墓在縣北五里三角山西

張知縣宏墓在縣南六十里赤崖堡莊東

高封君培墓在縣西北三里

灤州

舊志有後魏段永墓按永乃宇文國人非魏人生平未嘗至遼西其傳云卒于賀葛城喪還高祖親臨則

必無葬遼西之理也不錄

後唐

姜將軍墓在州西一百二十里唐山下

金

任運使詢墓在州南七十里

元

張防禦使晉墓在州西二里孫進士德附

甲元帥仲吉墓在州西五十里

王將軍祥墓在州南五十里土屋兒社

浙江行省左丞趙簡撰神道碑

略公會祖鎮國上將軍珪祖行軍都統鎮欽父武略將軍玠三代勲業墓刻詳矣公諱祥字興國至元間武略公屯河口與南兵戰冒矢石發九矢斃九人下高郵絕糧道明年武略沒于王事公蔭補侍御親軍忠顯校尉八年辛巳賜金牌進武義將軍十九年陞武略將軍親軍千夫長公曰知足不辱知止不殆乃累章求退時年六十有三大德七年癸卯正月卒年七十有九後贈金吾上將軍征行兵馬都元帥夫人何氏封修武校尉中衛郡君

明

石副使維嶽墓在州西北五里

王僉都御史鎬墓在橫山西南二里

厲都給事中汝進墓在州城西

高尙書第墓在州西一百二十里

國朝

石少宰申墓在州北八里後明碑莊

劉御史偉墓在州北二里秦家莊

喻封君墓在州西南百三十里稻地胡家莊

樂亭縣

金

齊將軍墓在縣西三里

縣志云齊氏自明威將軍陶仕于金後有信武將軍者塋于此

元

詹侍郎榮墓在城南六里大灣之崗勅葬孫知府廷附
劉太僕復禮墓在城西北三里朝練營

馮叅議時泰墓在城西十里丁武寨

劉同知思誠墓在城北三里角山陽子大理寺左少卿
廷宣墓在樂亭

程尙寶卿繼賢墓在城西北三里

劉將軍淵墓在城西十里紅瓦店

呂協鎮鳴咸墓在城北六里角山麓

王都督廷臣墓在城南七里

國朝

呂光祿鳴夏墓在城北六里角山麓勅葬

余封君崇貴墓在城西北八里尖山上

余郎中一元墓在城西北十里七星寨

劉封君慎墓在城西北三里朝練營

劉知府克孔墓在城北十五里盛水莊西

劉總兵澤深墓在城西北三里朝練營

穆封君爾鉉墓在城北八里棉花莊北

譚知州從簡墓在城北八里首山下

詹侍郎榮墓在城南六里大灣之崗勅葬孫知府廷附
劉太僕復禮墓在城西北三里朝練營

馮參議時泰墓在城西十里丁武寨

劉同知思誠墓在城北三里角山陽子大理寺左少卿
廷宣墓在樂亭

程尙寶卿繼賢墓在城西北三里

劉將軍淵墓在城西十里紅瓦店

呂協鎮鳴咸墓在城北六里角山麓

王都督廷臣墓在城南七里

國朝

呂光祿鳴夏墓在城北六里角山麓勅葬

余封君崇貴墓在城西北八里尖山上

余郎中一元墓在城西北十里七星寨

劉封君慎墓在城西北三里朝練營

劉知府克孔墓在城北十五里盛水莊西

劉總兵澤深墓在城西北三里朝練營

穆封君爾鉉墓在城北八里棉花莊北

譚知州從簡墓在城北八里首山下

譚副將綸墓在城北八里棉花莊

高同知選墓在城西二十里鋪

穆翰林維乾墓在城北八里首山下

寺觀

自二氏之教行於中國而仙宮梵宇幾遍海內百家
之聚五達之衢莫不崇飾莊嚴飛丹聳碧於以助流
王化祈福祝釐而高人墨客往往棲幽覽勝訪丹丘
之遺事追白社之高踪致足樂也他郡城中有寺莊
平獨無然其在郊廛都鄙之內者不乏矣自金元以
來爲佛寺者二百八十有七爲道觀者僅十有三室
廢不一悉存其額而釋老之盛衰亦略可睹矣

盧龍縣

隆教寺 在城南一里明景泰五年敕賜祠額設僧綱司於內明末寺圮我朝順治六年都御史蔡公

士英捐貲重建規模壯麗復置藏經一部建高閣於後以貯之水陸諸像繪畫精絕招集僧徒晨鐘暮梵遂為

北平第一 開元寺 在南臺山頂 白雲寺 在城北三十里安山

額 白塔寺 在城西八里元建 龍泉寺 勝水寺 臨河寺 古

興寺 青蓮寺 白蓮寺 溫泉寺 迎恩寺 大窪

寺 興隆寺 雪峯寺 清涼寺 白蟒山寺 萬軍

寺 觀音寺 雲水寺 九天觀 玄都觀 三清觀

遷安縣

宜覺寺 在縣東唐建 清寧寺 在縣南十五里金建明正統十年敕賜寺額 保

寧寺 在縣北四十里明景泰四年勅賜寺額 法華寺 興隆寺 興教

寺 棲真寺 龍泉寺 大雲寺 耀冶寺 牛山寺

萬軍寺 露臺寺 石佛寺 關泉寺 黃栢峪寺

峯山寺 赤崖寺 觀音寺 五重安龍泉寺 蓮

花院龍泉寺 九山龍泉寺 六合寺 白塔寺 聖

巖寺 龍化寺 普恩寺 娑娑寺 保寧寺 龍眼

寺 羅漢寺 雲峯寺 興教上下二寺 相福寺

廣德寺 清泉寺 舊兒峪寺 成山寺 大明寺

泉水寺 雲岩寺 馬古寺 水窪寺 靈泉寺 尖

山寺 西閣寺 栢山寺 興福寺 南覺寺 西白

塔寺 興隆寺 正覺寺 龍起寺 蘭若寺 雲泉

寺 偏崖子寺 圓覺寺 寶峰寺 清泉寺 護國

上下二寺

昊天觀 上清觀 通明宮 棲雲宮 昊天宮

撫寧縣

觀音寺 在縣治西 習儀于此 金峰寺 椒園寺 慈悲寺 大

安寺 清灤寺 福聖寺 水峪寺 舊縣寺 臺頭

寺 廣化寺 三聖寺 報國寺 碧岩寺 永芳寺

長城寺 棋霞寺 圓通寺 觀音寺 在縣東 二十里 聚

會寺 杏虎寺 望海寺 莊頭寺 清涼寺 水月

寺 崇福寺 清源寺 隆興寺 福勝寺 柳會寺

東聯寺 元方寺 慈民寺 雲城寺 聖水寺 龍

岩寺 香山寺 東流寺 五泉寺 沙河寺 聖水

寺 又 雲灤寺 靈鷲寺 中峯寺 法雲寺 清峯寺

石橋寺 隋石寺 彌陀寺 潮水寺 石佛寺

龍泉寺 秋月寺 在城北天馬山西嶺上嘉靖年建庠 生楊修道重建山無泉楊爾祚創僧

舍鑿井得泉有三魚純白因立石以紀其勝

尋真觀 在城北二十里桃花峪劉道士創建玉皇殿
紫霞洞小蓬萊閣每花開游觀者殆無虛日

昌黎縣

源影寺 縣治西二百步有塔塔
下有井其水獨重而甘 崇興寺 在縣
治北 寶峯

寺 在縣北八里俗名水岩寺有唐佛頂尊勝幢記
開元灌頂國師不空奉詔譯遠保寧元年建石 九

聖寺 望海寺 遠灣寺 雲峯寺 仙化寺 清峯

寺 青龍寺 妙峯寺 清修寺 千佛寺 金峯寺

古興寺 雙峯寺 延福寺 鎮龍寺 香蓮寺 彌

陀寺 雲居寺 橋梁寺 新莊寺 孔莊寺 福安

寺 述聖寺 龍泉寺 雲泉寺 備聖寺 龍潭寺

石佛寺 觀瀾寺 大明寺 福雲寺 香嚴寺
龍安寺 休涼寺 圓通寺 沙河寺 山坡寺

三清觀

灤州

廣福寺 在州南門外 設僧正司 薦福寺 在城西北隅
金大定年建 石佛寺

在城北五里 法寶寺 在城南十里 遠建 古馬寺 在城西二
十里金大

定年 蓮臺寺 在城南二 十里唐建 延慶寺 在城南三
十里唐建 雲居

寺 在城西南四十 里金大定年建 華嚴寺 在城西五十里
遠壽昌年建 青陽寺

在城南五十里 勝嚴寺 在城南五十里 元至順年建 巍峯山寺

在城西五
十里金建
崇興寺
在城西南七十
里元至正年建
華麻寺
在城西
南七十

里遼
建
甲家城寺
在城西南七十
里遼乾統年建
西套里寺
在城西
七十

遼壽昌
年建
黃土院寺
在城西七十
里遼壽昌年建
風山寺
在城西
八十

建
壽聖寺
在城西南八十
里元至正年建
興福寺
在城西九十
里金大定年建

白雲寺
在城西九
十里金建
洪覺寺
在城西南九十
里金大定年建
臨水

院寺
在城西北九十
里金泰和年建
曾家灣寺
在城西南
百里唐建
興國

寺
在城西一百
一十里唐建
水灣寺
在城西一百一十
里金大定年建
開覺寺

蠶箔峪寺
北石佛寺
神臺寺
壽聖寺
烽火山

寺
佛頭寺
沙塢寺
建福寺
毘盧寺
土山寺

紅寺
華嚴寺
清水興國寺
宜安寺
周家坨

寺
永壽寺
草堂寺
宋家莊寺
上青龍寺
下

興隆寺
廣嚴寺
大覺寺
龍泉寺
永安寺
延

古寺
清涼寺
花港寺
蘭坨寺
延福寺
磚窯

淀寺
橫坨寺
鴻鴨林寺
盧家莊寺
相公寺

洪濟寺
坨里寺
香花峪寺
龍盤院寺
觀音寺

青坨寺
白寺口寺
寶塔寺
興唐寺
望海寺

峰化山寺
永慶寺

玄真觀
玉清觀

樂亭縣

福嚴寺

在縣西南隅元至元年建設僧會司

興國寺

在縣東十五里元至元年建

崇法寺

在縣南三十里遠太康年建

普濟寺

在縣西南八里金大定年建

隆

廻寺

在縣西南四十里唐貞觀年建

鶴天寺

在縣西南二十里元至元年建

崇興

寺

在縣西南二十里元至元年建

靈澤寺

在縣西二十五里金明昌年建

大雲寺

在縣西二十里元至正年建

嚴佛寺

在縣北三十里元至正年建

勝嚴寺

華嚴寺

觀音寺

寶塔寺

寶峯寺

大興寺

雲

峯寺

正覺寺

萬福寺

毘盧寺

吉祥寺

翠峯

寺

觀音寺

大慈寺

君嚴寺

海雲寺

崇福寺

慶雲寺

清隆寺

興勝寺

清鸞寺

山海衛

崇興寺

在城西羅城

棲霞寺

在角山巔

團雲寺

圓明寺

蟠

桃寺

後角山寺

在三道關西

溫泉寺

地藏寺

一在北門外一

在西羅城

三清觀

石磴

一在府治南一在遷安縣治東方圓六丈高二丈

上八稜碑刻剝落金時所造縣志正德十二年

巡按劉士元命撤去址存而今平矣劉家口居民何均

用隨燕府自劉家口至大寧回帶石香柱一根刻至正十三年三月十八日立今在本關南門外

古塔 府城南南臺山舊有塔爲郡文峯久廢昌黎縣一
 在城內西北隅二百步創置莫考峙立高聳灤州
 七長寧寺塔在州南三十里普利屯高二十丈累十三
 層俗傳敬德造者白雲山葛莊觀音閣塔兒山白塔山
 各有之榛子鎮街
 中有石幢子塔

永平府志卷之十終

